

李文忠公全書

電稿



李文忠公電稿

卷之三十六目錄

盛宗丞轉西安來電

光緒二十七年三月十一日到

盛宗丞轉西安來電

光緒二十七年三月十一日到

馬提督來電

光緒二十七年三月十一日到

晉撫岑來電

光緒二十七年三月十一日到

晉撫岑來電

光緒二十七年三月十一日到

寄西安

行在軍機處

光緒二十七年三月十一日

寄西安

行在軍機處

光緒二十七年三月十一日

寄德州呂軍門

光緒二十七年三月十一日

寄晉撫岑雲帥

光緒二十七年三月十一日

寄晉撫岑雲帥

光緒二十七年三月十二日辰刻

電稿三十六目錄

晉撫岑來電

光緒二十七年三月十二日到

西安 行在來電

光緒二十七年三月十二日到

東撫袁來電

光緒二十七年三月十二日到

呂提督來電

光緒二十七年三月十二日到

寄天津張道蓮芬

光緒二十七年三月十三日

晉撫岑來電

光緒二十七年三月十三日到

寄東撫袁慰帥

光緒二十七年三月十三日辰刻

晉撫岑來電

光緒二十七年三月十三日到

晉撫岑來電

光緒二十七年三月十三日到

盛宗丞轉鄂督張來電

光緒二十七年三月十三日到

盛宗丞轉西安來電

光緒二十七年三月十三日到

盛宗丞轉西安來電

光緒二十七年三月十三日到





盛宗丞轉西安來電 光緒二十七年三月十三日到

盛宗丞轉西安來電 光緒二十七年三月十三日到

盛宗丞轉駐美伍使致江督電 光緒二十七年三月十三日到

盛宗丞轉江督致駐日李使電 光緒二十七年三月十三日到

寄西安 行在軍機處 光緒二十七年三月十四日辰刻

盛宗丞轉西安來電 光緒二十七年三月十四日到

盛宗丞轉西安來電 光緒二十七年三月十四日到

盛宗丞轉駐德呂使致西安電 光緒二十七年三月十四日到

盛宗丞轉江督致駐英羅使電 光緒二十七年三月十四日到

寄西安 行在軍機處 光緒二十七年三月十四日到

寄盛宗丞 光緒二十七年三月十四日到

電稿三十六目錄

盛宗丞轉西安來電 光緒二十七年三月十四日到

東撫袁來電 光緒二十七年三月十四日到

寄東撫袁慰帥 光緒二十七年三月十四日到

晉撫岑來電 光緒二十七年三月十四日到

晉撫岑來電 光緒二十七年三月十四日到

晉撫岑來電 光緒二十七年三月十四日到

滇撫丁來電 光緒二十七年三月十四日到

晉撫岑來電 光緒二十七年三月十四日到

寄晉撫岑雲帥 光緒二十七年三月十五日到

盛宗丞轉西安來電 光緒二十七年三月十五日到

盛宗丞轉西安來電 光緒二十七年三月十五日到

寄西安 行在軍機處 光緒二十七年三月十五日到



盛宗丞轉西安來電

光緒二十七年三月十五日到

豫撫于來電

光緒二十七年三月十五日到

晉撫岑來電

光緒二十七年三月十五日到

太原趙令振鴻來電

光緒二十七年三月十六日到

晉撫岑來電

光緒二十七年三月十六日到

盛宗丞來電

光緒二十七年三月十六日到

盛宗丞轉西安來電

光緒二十七年三月十六日到

盛宗丞轉西安來電

光緒二十七年三月十六日到

盛宗丞轉鄂督張來電

光緒二十七年三月十六日到

西安

行在來電通飭各督撫

光緒二十七年三月十六日到

寄西安

行在軍機處

光緒二十七年三月十七日辰刻

寄西安

行在軍機處

光緒二十七年三月十七日

寄鄂督張香帥

光緒二十七年三月十七日

寄晉撫岑雲帥

光緒二十七年三月十七日

晉撫岑來電

光緒二十七年三月十七日到

寄西安

行在軍機處

光緒二十七年三月十八日

盛宗丞轉西安來電

光緒二十七年三月十八日到

盛宗丞轉江督劉來電

光緒二十七年三月十八日到

晉撫岑來電

光緒二十七年三月十八日到

晉撫岑來電

光緒二十七年三月十八日到

盛宗丞轉駐德呂使致江督電

光緒二十七年三月十九日

盛宗丞轉江督劉來電

光緒二十七年三月十九日到

盛宗丞轉西安來電

光緒二十七年三月二十一日到



寄西安 行在軍機處 光緒二十七年三月二十一日午刻

呂提督來電 光緒二十七年三月二十一日到

晉撫岑來電 光緒二十七年三月二十一日到

寄晉撫岑雲帥 光緒二十七年三月二十一日到

晉撫岑來電 光緒二十七年三月二十一日到

盛宗丞轉西安來電 光緒二十七年三月二十二日到

盛宗丞轉西安來電 光緒二十七年三月二十二日到

盛宗丞轉華盛頓伍使來電 光緒二十七年三月二十二日到

寄西安 行在軍機處 光緒二十七年三月二十二日到

桂撫黃來電 光緒二十七年三月二十二日到

晉撫岑來電 光緒二十七年三月二十二日到

寄西安 行在軍機處並晉撫 光緒二十七年三月二十三日到

寄西安 行在軍機處 光緒二十七年三月二十四日申刻

盛宗丞轉西安來電 光緒二十七年三月二十五日亥刻到

盛宗丞轉榮相來電 光緒二十七年三月二十五日亥刻到

盛宗丞轉西安來電 光緒二十七年三月二十六日到

晉撫岑來電 光緒二十七年三月二十六日到

晉撫岑來電 光緒二十七年三月二十六日到

寄晉撫岑雲帥 光緒二十七年三月二十六日到

晉撫岑來電 光緒二十七年三月二十六日到

寄晉撫岑雲帥 光緒二十七年三月二十六日到

盛宗丞轉柏林呂使來電 光緒二十七年三月二十七日到

盛宗丞轉西安來電 光緒二十七年三月二十七日到



盛宗丞轉西安來電

光緒二十七年三月二十七日到

盛宗丞轉粵督陶來電

光緒二十七年三月二十七日到

晉撫岑來電

光緒二十七年三月二十七日到

晉撫岑來電

光緒二十七年三月二十七日到

晉撫岑來電

光緒二十七年三月二十七日到

寄晉撫岑雲帥

光緒二十七年三月二十七日

寄晉撫岑雲帥

光緒二十七年三月二十七日

盛宗丞轉西安來電

光緒二十七年三月二十八日到

盛宗丞轉西安來電

光緒二十七年三月二十八日到

寄閩督許鈞帥

光緒二十七年三月二十八日辰刻

晉撫岑來電

光緒二十七年三月二十八日到

晉撫岑來電

光緒二十七年三月二十八日到

電稿二十六目錄

五

晉撫岑來電

光緒二十七年三月二十八日到

寄晉撫岑雲帥

光緒二十七年三月二十九日



李文忠公電稿卷三十六

全集五之三十六

桐城吳汝綸編錄

盛宗丞轉西安來電

光緒二十七年三月十一日到

奉 旨洋兵擅逼晉境已過固關殊與前言不符現聞到處滋擾卽使不任意西趨亦應力與辯論著奕劻李鴻章卽向德法兩使切實詰責阻止務踐前言如仍似在直境勒索銀兩將來須在賠款內作抵庶昭允協欽此

盛宗丞轉西安來電

光緒二十七年三月十一日到

奉 旨本日疊據岑春煊電奏洋兵五千餘分三路西進初五早猛攻娘子關我軍並未還擊以致弁勇傷亡甚眾已退至平定州查娘子關確係晉境等語前據來電洋兵欲派小隊至長城探看爲數無多並無他意今我兵已退紮晉境何

電稿三十六

以洋兵多至五千餘徑至攻擊顯與前言相悖設仍恃強西進是誘我軍自撤要隘彼得肆意長驅該王大臣能當此重咎否著刻卽向德法兩使詰責速令退兵以踐前言而保和局迅卽電覆欽此

馬提督來電

光緒二十七年三月十一日到

前奉大咨奉調卑部八營彈壓京畿地面正在部署候調開本月初七奉電 旨著迅卽統率所部移紮河北等因欽此比經欽遵通飭各營陸續分五起開拔自初七日起開日一發由崑統率取道潞澤赴河北擇地駐紮俟奉電調卽行選派得力兵弁由豫赴直不敢遲誤

晉撫岑來電

光緒二十七年三月十一日到

歌電計達頃據劉鎮雨稱井陘及微水協南北障城等處洋



兵馬步五千餘名有三路西趨之說一由娘子關一由南北障城一由固關娘子關業已進攻我軍受傷不少等語查晉省教案昨將辦理情形電陳大概煊到省僅數日亦可謂不遺餘力矣井軍又遵旨撤退而彼越界進攻還擊既恐滋衅再退又無止境究應如何因應務懇詢明意見指示機宜

四日前往勸阻並嚴飭各軍不得還擊外謹懇查照急示

晉撫岑來電

光緒二十七年三月十一日到

頃電計呈適據方鎮友升函稱初五寅刻洋兵馬步二千餘教民無數來關猛擊因疊奉嚴諭不敢還擊相持至午我軍弁勇傷亡甚眾敵復分起抄入關後圍攻萬分危急只得退出初五戌刻抵平定州等語是否衅自我開固難懸揣然方

電稿二十六

軍據報已於初二退至娘子關確係晉境彼竟越境攻撲似與法德公使續退之言不符務懇轉告法使電飭彼軍退回直境萬勿再進三晉幸甚此後儻再深入究應如何因應務懇示遵

寄西安

行在軍機處

光緒二十七年三月十一日

同日奉陽蒸電旨及岑撫急電與聯芳所問法使蔭昌所問德瓦帥情形不符殊深疑詫又飭該員等前往詰問頃聯芳詢據法使稱該軍並未開鎗礮對擊至固關後已即日退回獲鹿俟董履高接防兵到必將獲鹿正定法兵退紮並有照會前來蔭昌據瓦帥稱德兵已於初七日整隊退回保定似此情形斷非捏飾晉軍報仗似有軍營惡習未可盡信請代奏動瀉

寄西安

行在軍機處

光緒二十七年三月十一日



前接河南于撫來電河北道岑春榮請革職武安縣陳世偉等四員請免議等語當經照會各使頃據覆岑春榮革職可勿另行加重安陽縣石庚署滑縣呂耀卿除已治之罪外勿庸再議等因查石呂二員各使原擬革職永不敘用所稱已治之罪當即指此請酌辦慶李

寄德州呂軍門

光緒二十七年三月十一日

省南土匪猖獗望速拔隊移紮河間就近調度勦辦勿遲

寄晉撫岑雲帥

光緒二十七年三月十一日

兩接義薩使函賀主教非義國人又稱晉省教案請派前任胡撫台辦理其言雖謬惟尊處必須飭沈道與安教士妥辦勿使有所藉口慶李

寄晉撫岑雲帥

光緒二十七年三月十二日辰刻

電稿二十六

三

頃瓦帥遣人來告云適接兵官來函該兵隊至娘子關以華軍半退半拒彼此互擊殊非得已現已一律退回並未留兵晉境儻華軍不復逾界洋兵萬不再去為難請全權放心等語慶李

晉撫岑來電

光緒二十七年三月十二日到

頃據孟縣令稟稱該縣所屬之黃安石攔頭起兩處於初五失守請速救援等語煊查晉軍本一無可恃亦斷不能再滋戰衅是以屢飭前敵各軍不准還擊現仍堅持此議惟退無止境如大局何竊意此次彼軍西來大約因教案積久未辦劉軍又不早退第思煊到省來數日即訂辦理教案章程並飛撤劉軍且彼屢次進攻總嚴飭各軍不准還擊甯可退避委曲求全之苦衷當蒙鈞鑒至有不能急辭之事有煊才力不及之事彼若函電相告無不從速力辦務懇轉告各使令



速撤兵叩禱屢電未奉覆諭悚盼之至

西安 行在來電

光緒二十七年三月十二日到

奉 旨李鴻章來電悉大順廣所屬荒歉著准其於山東德州存儲應解通倉漕米內撥給粟米五萬石其隨漕運解各費著一併撥發以惠災黎欽此

東撫袁來電

光緒二十七年三月十二日到

奉電 旨飭撥德存應解通倉漕米五萬石等因欽此查東

省上年冬漕折徵並無存米鈞處請撥是否折價抑係周藩

司正月開所詢東省借十五年之尾幫漕米乞示以便遵辦

呂提督來電

光緒二十七年三月十二日到

真電敬悉省南土匪猖獗現正帶隊赴深安會同鄭軍相機剿撫事平即就近遵駐河閒以便調度細情敘稟

寄天津張道蓮芬

電稿三十六  
光緒二十七年三月十二日

盛宗丞真電江浙新舊漕約百萬石聯軍退後年內恐不及全運河駁船通倉如何情形擬先運舊漕卅餘萬石京倉如無恙或由軌路接至京倉將來即由塘沽上車運京何者為要乞預籌電示云

晉撫岑來電

光緒二十七年三月十三日到

昨據孟縣令稟報洋兵仍攻孤山口不已查此股洋兵究係

何國迄未據探覆察核各路稟報攻孟縣似是德兵攻固關

者似是法兵探確再聞現仍嚴飭各軍不准還擊甯可退避

惟退無止境務祈阻止各使如何說乞示焦盼

寄東撫袁慰帥

光緒二十七年三月十三日辰刻

真電悉廿六年冬漕既經折徵每石實收折色若干即請照撥五



萬石銀數並將隨漕雜項煩派員解交大名龐道備賑爲感何日  
起解先示

晉撫岑來電

光緒二十七年二月十二日到

屢電未奉覆焦盼固關一路探係德法兩國兵已進至固關  
內之槐樹鋪彼憤已洩請屬其仍踐前約撤回叩盼孟縣一  
路是何國兵迄未據覆劉方各軍均退至平定州屬之樂平  
鄉不當衝要距關極遠

晉撫岑來電

光緒二十七年二月十三日到

固關軍歸報到時卽疑前敵張皇飭探果無大股洋兵進攻  
之事僅法兵二三百名進關探望旋退出關駐娘子關之德  
兵亦退此皆玉爺中堂信格中外大造於西感佩曷已除將  
張皇各員嚴究並電奏外

盛宗丞轉鄂督張來電

光緒二十七年二月十三日到

今晨電樞云初八日覆英領事法磊斯函云昨承轉來貴國  
薩欽使來電告以賠款現銀息借本利各數目並云願聞本  
部堂意見具見薩欽使關懷中國美意曷勝感荷查賠款有  
關中國民間生計卽有關各國商務中國所以屢請各國勿  
強中國所難因思此次各國皆非圖利而來賠款苟有可減  
將來各國當可量加減讓無待本部堂贅瀆惟索現銀一層  
似須再請各國詳酌查大綱第六款內云中國須籌定各國  
所能允從理財辦法以爲擔保云云明係指賠款分年攤還  
故中國須籌定諸國適意之理財辦法以爲擔保若已將現  
銀還清中國所籌理財辦法又何必各國允從況索取現銀  
於各國國家並無增益徒使四百餘兆倍而爲九百兆重累



中國數萬萬貧苦百姓以益數家富商巨賈且銀行所得與各國等尤於情理不平竊爲各國不取也務望再商各國勿索取現銀懇請分年攤還即略給利息亦可如此辦法於各國無所損而中國受惠實多矣至籌款之策本部堂私意零星羅掘整頓見效必遲集款難巨無補賠款中國農民最苦丁漕不便加徵不如竟將關稅鹽課釐金中國舊日此數項入款均加倍征收無論洋貨土貨洋稅常稅洋藥土藥一律加倍最爲簡捷公平明白易行此三項向來中國歲入四千數百萬兩加倍征收可省局用開支便可實添至四千數百萬或能添至五千萬兩此卽確實賠款擔保各國當可允從不必定索現銀假如賠款肯減爲四萬萬兩分十年還略加利息二釐亦不過每年還四千八百萬兩新增之款當可

足還卽或略有不敷爲數無多矣臨時中國再酌向民間借或再向銀行借款補足亦無不可未審各國以爲何如統祈速電達薩欽使卽商各國大臣示覆但此乃本部堂自己私見如薩欽使以爲然當商兩江劉制台奏請朝廷核奪切盼速覆等語除已商江督外竊思似此辦法所省實多加征重而不偏商民累而不擾弊端旣少定議亦速旣省文牘之繁亦無開支之費且免與舊日用款洋債牽涉窒礙之煩十年以後洋債旣清所加各款量予輕減中國民力尙可稍蘇但不知各國允否可卽將此意電告全權妥商之處謹候鈞裁佳再洋藥土藥稅併加之說係與英領事及稅務司商皆以爲可行青等語頃又電奏云佳青兩電計均達洋貨加稅則洋貨內地釐金必免前電漏未聲明約計洋貨釐金



江浙不過三成腹省較少應減去四百萬復查洋關稅洋藥  
稅土藥稅常關稅百貨釐鹽貨鹽釐總計稅部撥湊足三千  
萬以抵洋債而另籌新法以補國用十分可駭萬不可行新  
款豈能改籌即能籌亦無速效現款全空內外束手搜括騷  
擾則病民餉需匱竭則病兵民擾兵譁未被外吞先起內亂  
國事不可爲矣伏望 朝廷詳慎籌度飭全權大臣與各國  
切商先定分年攤還之議洞此議貨釐鹽三項再加洋人自  
用各物稅每年約共收五千三百萬較前電所計尙略多即  
減去洋貨內地釐金四百餘萬尙有四千八百餘萬如各國  
肯將賠數略減至四百兆年息二釐則此三項足敷攤還十  
年可畢卽或不敷亦必無多聞有人開擬節略欲將現有之  
鹽課常稅折漕並另申數卽謂悉當而節略所擬則萬不可

電稿二十六

七

行可否發交全權大臣以備采擇伏候 聖裁請代奏佳青  
兩電併請進呈泰西等語特奉達祈鑒裁指示速覆盼禱云  
盛宗丞轉西安來電

光緒二十七年三月十三日到

頃江鄂兩督來電云接英薩使電此次賠款各國索現銀四  
百五十兆兩中國債票只能售六七折須向銀行借六百兆  
方得此數現銀分三十年還每年須還本利約三十兆等語  
統其須還九百兆原數已鉅一經銀行又從而倍之中國民  
力竭盡何能籌措必致各國借端干預財政自主之權全失  
萬不可允請從長妥商云各國需索現銀是否曾有此說尊  
處商議如何此節利害所關甚鉅斷不宜輕許致難挽回如  
各使有此說務卽切實磋磨並將現在籌議情形先行電奏  
爲盼樞文云



盛宗丞轉西安來電

光緒二十七年三月十三日到

齊電已進呈原擬五十員內有九員現均查明姓名本日降旨懲辦五十員外有擬改各員如塔拉特王未便監禁現擬革爵查辦劉撫亦難查抄卽擬革職永不敘用飭令回籍榮銓晉昌鳳祥鄂英四員改去永不釋回字樣以上擬定罪名 朝廷已屬降心曲從業經降 旨貴王大臣務當切告各使勿再饒舌爲要又原單內第四十一武邑縣調清苑縣張丙詰擬發極邊永不釋回第四十八清苑令擬以革職永不敘用嗣准電覆清苑令卽係張丙詰擬以革職永不敘用情罪允協是以照此辦理此外如許涵度據岑春煊查覆毓賢謀殺教士之時該員正在潞安府本任尙未到太原府署任自無助紂爲虐之事應行免議另查有無助虐之人再辦

重稿二十六

八

楊鴻禮係轄境出有教案亦止失於保護擬減爲革留建昌道府既允量減擬改爲革留希卽分別磋磨又據豫撫查明河南衛輝府曾培祺保其法教士及英約翰平安出境並無殺害教民之事南陽府傅鳳颺保護教堂有法教士安西滿英教士孔好義等謝函可憑實無仇視西人之事武安縣陳世偉安陽縣石庚涉縣車均滑縣呂耀卿均經賠償教堂什物與主教司德望議結業經司主教稟明公使免其置議並希知照餘俟各省查覆隨時電商彙齊再請 旨辦理此 旨請在京發鈔惟查黑龍江副都統鳳祥駐愛琿與將軍同城係齊齊哈爾與都統薩保兩城相隔千里希查明所指究係何人如有錯誤請一面於 諭旨內更正發鈔一面電知爲要樞眞云



盛宗丞轉西安來電

光緒二十七年三月十三日到

擬懲江西教案各員現據贛撫查覆除鄧家猷翁寶仁業經奉旨懲處外前署南贛甯道涂椿年贛南鎮總兵何明亮上年曾出示保護教堂並無據教士教民指控不肯張貼督示及派兵彈壓之事擬請免議或改輕吉安府許道培早經撤任是否允聽紳士攻擊教堂未據指明現飭赴吉協同後任緝犯議賠浮梁縣任玉琛於景德鎮教堂被燬亦經撤任尚非有意不行保護署上高縣文聚奎並無焚搶教堂之案惟民教訟案延擱甚多臨江府並非石守惟該府屬清江縣石守謙近據教士函稱有教民訟案多起已委員查辦至各縣鬧教紳士張文瀾等十五名均請斥革又據沐撫查覆河南河內縣知縣于光明派差護送教士等出境有案可憑榮

電稿二十六

九

澤縣知縣連魁業經身故西華縣知縣林廷膺亦派差護送教士有案周家口通判汪坦教士過境派差護送並於鬧事時彈壓解散有案河北教案已結擬請免議以上各員希即按照所查情節可否改輕免議分別酌核照會各使此外各省續行查覆隨時電商俟彙齊請旨辦理樞文云

盛宗丞轉西安來電

光緒二十七年三月十三日到

新調綏遠城將軍信恪前據報交卸起程現究行抵何處務祈飭查催令該將軍迅赴新任以重職守樞文云

盛宗丞轉駐美伍使致江督電

光緒二十七年三月十三日到

伍使真電覆佳電悉美顧大局盼速結減數攤還均願已電柔使商勸各使惟俄德梗阻可慮云

盛宗丞轉江督致駐日李使電

光緒二十七年三月十三日到



江督寄李使電昨英使電鄂督此次賠款各國索現銀四百五十兆中國借票祇能售六七折須向銀行借六百兆方得此數現銀分三十年還每年須還本利約三十兆等語如此核計共需九百兆視賠數已加一倍查派兵來華日本爲多而索賠款視俄德弛禁軍火料物力助不盡俄約無非爲中國留餘地俾使振作自強豈第中國臣民同深感奮亞東大局亦賴之今英因索現銀而使中國加受數百兆之虧商民窮下膏血全盡從此無振拔之機所得利者不過數家銀行於日國家毫無所益殊爲不值償款索現中國萬難支持中既不支於亞東大局卽有所損竊思日本多派兵原寓助華之意首執牛耳無容多讓祈向外部切商請其電達珍田使敦勸各國毋索現銀並將賠數減少由中國分年攤還此事與商

電稿二十六

務大有窒礙現電羅使商英若日英兩國極力勸止更可得勁務望力圖盼電覆坤佳云

寄西安行在軍機處 光緒二十七年三月十四日辰刻

眞諭旨並電謹悉岑春榮革職毋庸加重前已據各使來電達李若仙已照原請斥革似可無庸嚴拏薩保現署將軍所指黑龍江副都統自是鳳祥無疑以上均於諭內更正發鈔慶李

盛宗丞轉西安來電 光緒二十七年三月十四日到

眞電已進呈河北道岑春榮既經各使照覆只請革職可免加重已請旨照准前明發諭旨務希將該道提出銷去永不敘用四字爲要樞元云

盛宗丞轉西安來電 光緒二十七年三月十四日到

歌電稱各使照會擴充使館界圖佔地太多且和約大綱並



無擴充之語輒以擴界拆房爲防守地步未免強詞奪理堂  
子重地既不能爭回將來再謹擇妥地重修南半截空地一  
段亦不值互換至長安街及兵部街等處均劃在界內則東  
華門至前門一路全行阻隔將從何處取道必應籌及希再  
詳酌問各使切實商辦爲要樞元云

盛宗丞轉駐德呂使致西安電

光緒二十七年三月十四日刊

呂使寄樞電江督電未奉到遵冬電婉切商外部昨又催詢  
據稱償款約共六十五兆鎊借債須八十五兆鎊方得此數  
款鉅難籌自係實情至加稅事已派員赴英徑商英雖推諉  
德不鬆勁想可望成德願華事速結云

盛宗丞轉江督致駐英羅使電

光緒二十七年三月十四日刊

頃寄羅使電昨薩使電鄂督此次賠款各國索現銀四百五

電稿三十六

上

十兆中國借票祇能售六七折須向銀行借六百兆方得此  
數現銀分三十年還每年須還本利約三十兆等語如此核  
計共需九百兆視賠數加一倍在華商務英國十居七八商  
務之盛衰全視地方之貧富此次賠款英國索數較他國獨  
少照他國總數核計尚不及十分之一又復弛禁軍火料物  
允商加稅凡爲中國計無微不至商民同深感荷今若因索  
取現銀而使中國加受數百兆之虧從此商民膏血全盡無  
論洋貨土貨皆力不能辦商務大壞實非英國之利且索現  
銀各國均需累商英獨受損且十不及一之賠款害十居七  
八之商務損己利人尤爲失計祈向瀾侯切陳利害通盤籌  
書請其電薩敦勸各國無索現銀並將賠數減少由中國分  
年攤還中國尙有振興之望英亦享商務之益關繫兩國實



非淺鮮並電秩庸設法商美轉勸各國萬勿索現銀盼電覆  
坤佳云

盛宗丞轉西安來電 光緒二十七年三月十四日到

償款一事現銀四百五十兆如果屬實銀行折扣中國萬不  
能支卽陸續分年本利撥償必須將常稅洋稅鹽課鹽釐等  
項全行指抵卽極力節省國用亦萬不敷惟有加稅方能增  
巨款論原定約章值百抽五往時鎊價僅三兩今則漲至七  
兩零已加一倍有餘但能商允核實鎊價按時值計算卽可  
增出二千數百萬再能減數寬定年限足敷償款之用卽有  
不敷添籌亦易且亦足昭平允英國商務在華爲多果肯實  
力相助此事實於中國大有益而於英仍無損但可於磋商  
賠款之時預爲之地以期將來易於措手想高明亦必早見

電稿二十六

十一

及此也總之須極力商請勿索現銀並減數寬期分若干年  
攤還尤要在勿使各國干預我財政之權爲妥樞元云

寄西安 行在軍機處 光緒二十七年三月十四日

文電悉月朔法英德日本四使約那柯徐壽朋周馥赴德館討論  
賠償抵款稱賠款須四萬五千萬兩答以太多則稱各國祇索實  
用之數並無虛開旋問中國究有何款可以作抵答以賠款數目  
太鉅甚難籌畫海關稅因鎊價今昔懸殊擬按鎊價加收以作抵  
款於洋商無損於中國有益各使稱伊等亦有此意但驟難商定  
須另籌切實抵款隨備問鹽課常稅折漕土藥並開辦印花稅房  
捐等項答以舊有之款均有要用新籌之款驟難辦成惟賠款總  
不能不籌竭力騰挪連海關加收每年至多能籌至一千五百萬  
兩各使稱如此則須六十年方能攤完伊等擬請每年籌付三千



萬兩三十年可完按借債週息五釐二十年本利相平四百五十兆三十年成九百兆計週息三釐三毫有零利息尚不爲重答以分三十年攤畢款實難籌各使又稱內中尚有一二國願得現銀者可否商借現銀付給答以中國情願攤還不願借債是日各使相約因赫德前曾分送節略臚列京外各進款及改革辦法該使等願借面談考證並非與那桐等議事及告以累年人不敷出暨一切改革爲難情形各使稱俟再商而散嗣臣鴻章晤英美日本等使均屬將賠款大減美使稱彼國政府謂中國力量不過能賠至三萬一千萬兩爲止擬向各國勸減但須籌備現銀英使則稱四百五十兆兩可作準數日本使則以洋貨加稅爲是但稱必須英國肯允詢之英使則稱中國稅章將來必須大改莫妙於將釐金及土貨出口稅全行免去專徵進口洋稅此豈一時所能辦到

電稿三十六

三

臣奕劻面詢赫德據稱各使意見不一有願聽攤還者有願索現銀者如付現銀必須借債付四百五十兆之款必須借六百兆方能敷用以週息四釐計之三十年須加息七百二十兆大不合算又稱斷不可以抵款難籌推託恐各國藉口佔地自籌爲害尤大各使約須至四月底方與全權會議莫如及此閒暇先與政府戶部各督撫通盤籌畫速定大計總期能指有的款作抵先辦撤兵是爲要著至自用無論如何爲難於撤兵後另籌則不受加費之累若俟會議時再行往覆籌商各督撫意見不同多煩商酌恐議論未定而賠費又增數千萬矣所言極爲有理正擬電奏請旨敕下戶部及各督撫力顧大局通盤徹籌以解倒懸之急適接軍機處來電謹將籌議情形據實陳明除電江督鄂督外請代奏劄

鴻

兩

三

年



寄盛宗丞

光緒二十七年三月十四日

頃寄軍機處代奏願電祈轉劉張兩帥慶李

盛宗丞轉西安來電

光緒二十七年三月十四日到

頃據湘撫電稱和約大綱殺害各國人民各城鎮停考五年  
查湖南衡陽清泉教案原係痞匪起衅並無土子干預似應  
免停且滋事僅該兩縣屬之黃沙灣港口兩村鎮即使罰  
由停亦祇應停滋事兩鎮等語因思各國停考一條似係專指  
口餘上年拳匪肆擾地方而言他處偶有教案當不在此例希即  
查明示覆如須停考亦須說明祇停滋事兩鎮不得波及全  
縣以昭公允為要樞元云

東撫袁來電

光緒二十七年三月十四日到

元電敬悉遵飭司道查撥俟起解即達再法鹽續來日多到

電稿二十六

十四

處灑賣硬奪鹽戶生計勢必滋事如法人因滋事或以兵力

脅偪恐致構生鉅衅究應如何辦法乞速示遵

寄東撫袁慰帥

光緒二十七年三月十四日

寒電悉頃據長蘆運司稟探廷杰代法人私運坭鹽赴龍王廟道  
口銷售沿途不免灑賣已運到岸者或由東省設局收買未運者  
擬由蘆商議價贖回如能辦成當不至再有私運等情辦法似尚  
可行

晉撫岑來電

光緒二十七年三月十四日到

歌魚佳四電謹悉華軍不惟退且潰不可止法德自可如約  
免勞暴露據沈道自井陘來稟云彼已退至獲鹿仍擬飭沈  
赴獲與法帥商保護商旅郵遞等事如去遠即不商五臺德  
兵頗相安然五臺處萬山中地瘠甚以後漸炎熱勞師亦非



地主所安擬請商瓦帥亦可續撤此開教案必爲認真清理  
不因其撤兵卽膜視也至豔羨晉富此殆誤信教民之言晉  
之富在商務自東三省京津遭亂以來晉商頓窮本地素將  
儲積皆寄頓外省又值饑饉十室九空彼若果來必致失望  
勞而無功儻有復進之心懇據情宣告五臺兵能否續退商  
定電示歌電承轉致感甚耶蘇教案輕者與教民隨時議結  
重者非李來不能辦懇再告英使

晉撫岑來電

光緒二十七年三月十四日到

眞電謹悉沈道稟稱德法兵恪遵鈞電意至長城內基一視  
卽退劉方各軍所報誠是惡習擬卽嚴參數人以示炯戒

晉撫岑來電

光緒二十七年三月十四日到

文電謹悉華軍潰不可止方恣淫掠無暇逾境我軍聞風卽

電稿三十六

十五

潰雖曾還擊殆不其然敢請迅飭董鎮接防俾法軍早撤愚  
民始能放心五臺德兵如蒙商令續撤懇將撤期電示

滇撫丁來電

光緒二十七年三月十四日到

奉陽電謹悉英使節略所稱有人奏參劉萬勝革職飭暫從  
緩參辦等因查此案前曾有人將迤南道陳燦劉萬勝一併  
參奏是陳燦無縱兵勾串瓦人阻路亦自顯然已經委員查  
明陳燦劉萬勝均無不合當卽覆奏奉 旨劉萬勝陳燦旣  
據查明並無朦蔽乖謬情形卽著毋庸置議至吳耀奎業經  
撤任理合據實覆陳謹求轉告英使勿誤聽訛言

晉撫岑來電

光緒二十七年三月十四日到

眞電謹悉潞澤平蒲教務據安懷珍自云不能管係賀主教  
所管質廣才譯音一作考甫滿義使云非義人或係不知其



譯音煊擬辦法不分國但分教天主教在太甯朔汾者卽與安懷珍商辦在潞澤平蒲者卽與賀廣才商辦在歸綏七廳者卽與方濟眾商辦此事關係邦交敢不隨時請示認真清理惟才太短又當災歉後熟悉交涉之員更少深懼貽誤義使欲易胡撫適洽私衷第聞胡已病故可否由尊處奏請另簡賢員接替感激大德直無涯涘萬一礙難奏請可否強呂守一來煊自揣才力萬難勝任辭又不獲儻辦理貽誤轉勞盡慮一切尤懇隨時示遵

寄晉撫岑雲帥

光緒二十七年三月十五日

元電悉賀主教聞係荷蘭國人來電謂不分國但分教辦法極是義薩使薦胡前撫已函駁之時艱方亟晉省教案太多善後不易執事心精力果望勉爲其難勿存諉卸呂守堅不肯往亦並非必

不可少之人若論辦理交涉尚不能及沈道也慶李

電稿三十六

末

盛宗丞轉西安來電

光緒二十七年三月十五日到

據川督查覆教案各員建昌道王季寅敘州府文煥雅州府李念茲前署雅州府王之同平日諄飭所屬保教頗爲認真王季寅尤爲盡力惟其轄境寥闊民情浮動屬縣猝出事故督飭不及並無縱容情實可原等語建昌道王季寅雅州前後兩府王之同李念茲各使旣允量減昨已電商擬改爲革留敘州府文煥改撤調他缺原奏文奎當係錯誤又稱前署崇慶州陳兆棠署甯縣陳鼎勳前任南部縣袁用斌署大足縣趙綏之所屬教案事後均竭力保護認真拏犯教民雖有損傷教士並無受害除陳兆棠已開缺離省擬將陳鼎勳袁用斌趙綏之均開缺離省前署邛州李常需前署灌縣王



朔前署溫江縣周慶壬署宜賓縣王殿甲前署雙流縣龔寶  
瑒署郫縣黃樹勳署名山縣盧鼎智均查無縱匪仇教確據  
惟辦理教案或迂拘固執或觀望延誤均擬革職以上各員  
已屬罰重情輕從嚴辦理請電達全權商明各使照擬定案  
等語查各該員多係原奏待查單內可知各使亦訪查未確  
務祈切商各使悉照川督所擬速與定案勿過苛求爲要樞  
元云

盛宗丞轉西安來電 光緒二十七年三月十五日到

再商聞榮銓事經極力磋商可免遣戍改爲永不敘用如能再商  
內減止於革職更好請酌定已請 旨准將十一日上諭更正  
發鈔樞願云

寄西安 行在軍機處 光緒二十七年三月十五日

電稿三十六

十七

願電悉榮銓事初意謂可革職永不敘用了事乃英薩使持之甚  
堅派員與商不允鴻與面商亦不允並無可免遣戍之說 上諭  
內刪去永不釋回字樣尙未知彼能遵否昨已恭錄照會俟得覆  
再達慶李

盛宗丞轉西安來電 光緒二十七年三月十五日到

本月初五日長順等奏俄員商請合辦吉林礦務請 旨飭  
議一摺奉有 諭旨一道驛遞尊處接奉後希即收存勿先  
漏洩俟三省事辦就後再議昨已電致大學士崑咨明長順  
等矣樞願云

豫撫手來電 光緒二十七年三月十五日到

頃接南陽法國主教安西滿函稱驚聞傳鳳尊冕遭意外何  
人不諳當時求全委曲之苦衷亦誤指爲仇教殊深詫異回



想去夏初亂傳尊明暗遷就委曲顧全教堂西人得以無恙其於新店要案亦無過失遠人天良俱在籌報不遑不得不痛爲剖白萬望極力調停遠人卽一面函達北京敝使亦就迅爲轉懇務期無虞以昭大公惟屈計往返時須匝月現在機要諸由鴻恩周旋等情據此查前奉電旨飭查當將傳鳳颺並無仇教之事電請軍機大臣代奏並電達鈞鑒茲據安主教來函謹再電祈鑒核

晉撫岑來電

光緒二十七年三月十五日到

趙令振鴻到晉傳述保晉盛德謹率晉民百拜叩謝頃接五臺委員稟云德兵有四月退回之說如蒙鈞右因勢勸其速撤尤深感禱

太原趙令振鴻來電

光緒二十七年三月十六日到

電稿二十六

太

初二在正公稟晚接覆電示催晉撤井防當又公稟時德法兵均赴井卑職至井爲法兵官歐貝阻竟夜繞抵固關擬電稟奈綫已斷初五娘子關被德收入直超固關後卑職越險繞至平定初七德法兵漸退井東初九大隊退獲正知係中堂極力挽回現晉防全退晉境百數十里內驛滯故赴太原電稟晤岑撫甚感謝中堂仍盼一切指示恪遵留卑職稍停便詢各事仿直籌辦

晉撫岑來電

光緒二十七年三月十六日到

晉省教案是否由晉撫與各教士自行議結不再經鈞右與各使覆議抑雖經晉撫與各教士議有成數仍須鈞右與各使定議請詳示恪遵感盼

盛宗丞來電

光緒二十七年三月十六日到



願電遵已照轉江鄂兩帥赫德所稱先指的款作抵撤兵後再籌自用之款實係要著

盛宗丞轉西安來電

光緒二十七年三月十六日到

奉 旨願電已悉償款一節已諭劉坤一張之洞悉心籌畫彼此電商定計並諭各督撫就各省情形每年節省若干切實妥籌以期湊集抵償至展寬年限議減銀數仍著實力磋磨毋稍鬆勁擬索現銀者究係何國萬不可允並查覆欽此

盛宗丞轉西安來電

光緒二十七年三月十六日到

賠款所索甚鉅有著的款殊難籌指不得已擬將各海關洋稅一項全行作抵此時卽有不敷隨後加稅議成便可按年抵還有贏無絀免致牽涉錢酒鹽課常稅釐金致侵我自有權利似此辦法有無流弊仍希通籌酌定見覆至四萬五千

電稿三十六

九

萬三十年攤還數鉅期迫不免棘手務須全權向各使極力磋商總期減少銀數寬展年限庶幾尚可措手江鄂爲各國所推重並望切商各總領事從中轉圜冀可就範樞咸除轉江鄂外

盛宗丞轉鄂督張來電

光緒二十七年三月十六日到

衡永道隆文任內獲犯六名正法情節較衢州案喻鎮鮑道爲輕喻鮑據英領原請正法今隆文與喻鮑同罪竟至極邊永不釋回太覺偏枯擬懇 天恩將隆文改爲發往軍臺效力贖罪以示區別而昭平允如前 旨未發鈔懇更正已發鈔擬懇 恩可否另降 諭旨聲明更正不勝激切待命之至請代奏

西安 行在來電通飭各督撫

光緒二十七年三月十六日到



奉旨奕劻李鴻章電奏各國索賠款四百五十兆各情仍飭商寬期議減分年攤還此次償款爲數過巨自應分飭各督撫合力通籌各省庫款支絀朝廷固所深知然當事處萬難必須竭力籌措確有指抵之款庶不致各國藉口侵我自示權利權著各省通盤覈計將一切可省之費極力裁節至地丁漕折鹽課釐金等項更當剔除中飽涓滴歸公此外應如何設法之處亦須悉心籌度不遺餘力以期湊集抵償該督撫等受恩深重其各激發天良力維大局不得以無款可籌稍存諉卸現在款議漸將就緒爲期甚迫著即將籌定情形具詳迅速電奏欽此

寄西安

行在軍機處

光緒二十七年三月十七日辰刻

咸電

旨咸電並悉海關洋稅初借俄法債卽用以作抵嗣借英

電稿二十六

三

德債已不敷抵故另指鹽貨釐局七處是洋稅早已抵去現欲再抵賠款斷辦不到至加稅係日後之事一時未能議妥以賒抵現其誰信之按各國現索賠款四百五十兆兩按週息四釐計算每年須銀一千八百萬兩略帶還本便須銀三千萬兩若鹽漕常稅一概不准牽涉此外更無款可籌各使爲我設法提及亦屬萬不得已尚無侵我利權之意慶李

寄西安

行在軍機處

光緒二十七年三月十七日

元電悉長安街及兵部街等處雖劃在使館界內惟長安街已議明仍作公共街路聽車馬任便行走東華門沿城根順東長安街出前門不至阻隔慶李

寄西安

行在軍機處

光緒二十七年三月十七日

各使館擴充地界甚寬界內佔用民地前據照會請歸中國付償



當經駁覆以地歸使館佔用應由使館付價卽按公法戰例亦不能強奪民產乃各使總以因拳匪攻打使館伊等得有自主防守之權強詞爭執駁論數次堅不允從失產之人情甚可憐祇可從權派員勘地驗契酌給價銀以示體恤除備文咨達外慶李

寄鄂督張香帥

光緒二十七年三月十七日

美柔使稱麥總統及海外部康格等與美國各善士擬助款買米運赴山西施賑已屬其派蕪湖漢口領事就近詢商尊處將購米轉運等事妥辦其應與晉省商酌如何散放並請由尊處知照特電達慶李

寄晉撫岑雲帥

光緒二十七年三月十七日

翰電悉教案多由教士作主尊處儘可就近議結果能辦妥各使必無異辭也慶李

晉撫岑來電

電稿三十六

光緒二十七年三月十七日到

三

咸諭過承勸勵感激涕零世受國恩何敢諉卸然晉事萬難有不得不為鈞右陳者晉事誤於毓撫人知之矣然錫撫在任半年於匪徒及庇匪之官亦未誅劾灼若究辦結怨事小積重之勢不易挽回難一各屬牧令既昧交涉尤復畏事直隸尙能各屬結各屬之案晉官無一能之將來清查既曠時日且恐不確難二晉地饑饉十室九空富商大賈自京津遼瀋事起頗皆窮乏商農並困款於何籌且平介徐祈富庶之邑未經滋事勢難責令出貲代償外屬難三然此三難猶能勉任所最難者政府掣肘耳卽如借給教士款項一事既奉鈞電又屢據各教士函懇自不能不先行借給甫奏明乃兩奉嚴旨申飭以後事體尙多若俱如此詎能辦動萬一



貽誤煊一身不足惜如大局何再四思維惟有引退仰承溫  
諭敢不竭愚特才力實不能勝伏冀時賜教言恪遵辦理藉  
免貽誤感幸實深

寄西安

行在軍機處

光緒二十七年三月十八日

頃

盛京戶部侍郎清銳遵旨到京請代奏劄鴻

盛宗丞轉西安來電

光緒二十七年三月十八日到

昨因賠款亟須指實以便定議撤兵轉展咨商恐多延誤是  
以咸電擬將洋稅作抵茲查據戶部覆稱各海關洋稅歷經  
借抵各項洋款無餘不得已祇好將鹽課鹽釐漕折酒項及  
各關常稅全數備抵實可得銀二千萬兩若四百五十兆三  
十年之說數巨期迫力實不支必須減數展期極多至二千  
萬為止方可勉力做到再稍有不敷則俟加稅議成彌補足  
數此次中國受此大虧舍加稅別無法想當亦各國所共諒  
總期竭力磋磨指款速定早日撤兵至盼至要仍希密籌速  
覆樞洽云

電稿二十六

三

盛宗丞轉江督劉來電

光緒二十七年三月十八日到

頃電樞云奉兩咸旨及鈞處咸電滬轉全權願奏敬悉赫  
論借款還現大不合算並不可以抵款難籌推託及全權必  
先通盤籌定免會議時商論延時增費皆扼要辦法鈞處擬  
以海關洋稅一項全行作抵既免牽涉別項議抵將來有干  
預之弊又預括洋貨加稅在內為中國財政計最為善策詳  
加察度其要有三一議減賠數二分年攤賠不還現銀三預  
籌抵款能減一分賠款即少一分抵項不還現可免經手銀  
行折扣鉅虧前商美外部云減數攤還均願電柔使商勸各



使等語是柔使所稱彼政府謂中國力量不過能賠至三萬  
一千萬兩爲止擬向各使勸減此實美力助之意自應切託  
柔使照商各使果能減賠此數照英使所云可省一萬四千  
萬兩惟不還現分年攤賠美外部實已允商勸各國若須還  
現賠數雖減仍受折扣大虧此亦應商明美使現託美領達  
柔使並電伍使商外部羅使電覆謂瀾侯云分年籌還中國  
財力歲能還若干若干年應列表方能擬議借款還現費  
雖大可免干預財政云當告以廿五年戶部總結出入歲短  
一千六七百萬此最確之數洋貨加稅能照前議值百抽十  
五所得僅彌其闕縱將用款裁節進項增籌不過歲可抵賠  
千數百萬必須懇英力助商減不索現中國商民現輸賦課  
已屬苦累不能照泰西辦法若因攤賠干預民不聊生萬不

可行復電羅使諄問是不還現若亦可商前電李使攤還可  
免折扣息能減輕亦較銀行合算李使電覆云告加藤稱償  
款一條現代中國極力設法不知能否辦到如何辦法暫難  
說明來電所言將來或可辦到現尙難定云頃又告以中國  
支絀情形並美外部所云祇能賠至三萬一千萬爲止之語  
屬李使再商力助此與英美日各外部商辦之情形也至抵  
款一節查中國入款祇有丁漕貨釐洋關貨藥稅釐鹽課釐  
爲大宗常稅土藥釐等項數本無多餘更零星每年原有洋  
債約二千五百餘萬除七處鹽貨釐作抵五百萬外其餘均  
海關作抵照歲收洋稅一千七百萬計算業已抵不足數此  
次鈞處議以洋稅作抵誠預包加稅在內但每年攤還之數  
多寡既尙未定指抵之項既難預爲懸擬若每年須攤還三



千萬除地丁外勢必將原有大宗之款悉數擬抵亦無可豫酌若能歲攤一千五百萬自當先以洋稅全抵如彼因已抵前債不允可告以此後加增洋稅亦即併抵在內且前債海關作抵僅指洋稅所收藥釐係代釐局徵收不在其內歲收數百萬如僅將洋稅全抵彼未肯允即可將藥釐併抵如尙不敷惟有再將江浙漕糧改解折色湊數猶勝別項作抵蓋攤還不能不慮後有干預抵款卽不能不預擇無礙之項藥釐本由關徵漕米改折僅止兩省不致牽連全局惟須與原收各省漕折劃分爲二庶免牽混如京倉需米不妨以原有漕折之款招商購辦實較漕運尤爲省費核計漕米改折與藥釐併計約有六七百萬的款可抵至蘇省一切用款前已迭次裁節丁漕課釐等項亦均隨時整頓不遺餘力此時不

電稿三十六

五

但抵款之急昕夕焦慮苦難爲謀卽以本省而論三年因籌防增兵所費不資部中撥補各款大都無著出多入少萬分窘迫苟可釐剔濟公敢不竭力籌畫第以賠款之鉅不得不就原有各款斟酌擬抵除電全權及鄂督外乞代奏云

晉撫岑來電

光緒二十七年三月十八日到

據歸綏道恩銘稟鄭文欽屍棺前經飭令侯格神甫往驗當查七廳現有比教士二人一爲宇嗣安一爲葛萬清格葛音相近因卽函致葛萬清來城晤商據云亦接有周恩思函屬驗視初九日同地方官及認識鄭文欽之華教士三人前往驗得確係鄭文欽正身無疑由葛萬清出具華洋文憑據一紙存案等語合亟電請轉達英使

晉撫岑來電

光緒二十七年三月十八日到



劉方張三軍潰後擾害地方殊甚據沈道電稱歐貝亦請調離當電奏請飭回江鄂湘惟恐內意慮晉防單薄不准焟愚以爲德法兵必不再進果進留此三軍亦無益擬懇鈞石電奏據歐貝言請撤萬勿云出焟意晉民受福實多感盼

盛宗丞轉駐德呂使致江督電

光緒二十七年三月十九日到

呂使電昨外部密稱聯軍撤否以償款爲斷聞鄂督爲償款甚著急如有實在辦法不妨密告事若可行德必格外遷就並助華力勸各國照允可否將此意轉電等語已密電香帥矣問其用意所在又密言聞爲償款事有從中漁利者恐華官爲其所惑故德願知中國本意所在云仍乞祕密以免外洩並轉樞譯慶李張海蒸云

盛宗丞轉江督劉來電

光緒二十七年三月十九日到

電稿二十六

五

賠款事德美日均有可商此時要義應請全權切商各使減數展期攤還並電呂伍李商外部助力抵項暫勿指定俟賠數年限定後先以海關藥釐及加稅指抵海關雖已抵債若連藥釐算入尙可餘四百萬再增加稅已敷作抵儻加稅尙難遽作抵款卽益以漕折酒項常稅尙無大礙至鹽課釐則斷不可抵德外部所言似隱指赫且赫覬覦鹽務已久近密飭各稅司考核鹽務甚詳又多設學堂專習華語以備將來分布內地辦事之用蓄意甚深鹽課釐作抵勢必歸赫權徵既管鹽務必預緝私竊取兵柄流弊極大不可不防七處鹽貨釐抵債不遽接辦蓋因尙少諳悉華語住卡辦事之人學

堂旣成則取用有資矣

盛宗丞轉西安來電

光緒二十七年三月二十一日到



樞嘯電本年各省舉行鄉試所有條款內停考章程究應如何辦法希即電覆

寄西安 行在軍機處

光緒二十七年三月二十一日午刻

嘯電悉前據各使照會停考地方開單前來所開直隸省北京順天保定天津順德河間各府遵化冀州通滄景永清望都獲鹿朝陽東安武邑灤平等縣張家口新安鎮兩處山西省太原大同汾州朔平澤州潞安等府忻隰絳等州太谷孝義曲沃大甯河津岳陽文水壽陽平陽長子高平蒲縣平遙潞城洪洞等縣歸化綏遠二城河南省南陽陳州彰德等府鄭州光州河內濬縣太康襄城西華浙江衢州府山東泰安府湖南衡州府清泉縣陝西甯羌州江西鄱陽縣東三省盛京甲子廠連山于慶街北林子呼蘭城等處曾經備具說帖照會請照原條款分別滋事城鎮不得統指府州縣致良莠不分旋據照覆斥爲欺罔廷謬實無情理可說現正與辨駁俟定議卽行具奏慶李

電稿三十六

三五

呂提督來電

光緒二十七年三月二十一日到

前諭查獻縣劉鎮係帶何營是何銜名遵查駐獻營隊並無劉鎮現護獻縣劉令本清係河屬景和鎮巡檢素與駐獻法兵及教士等頗浹洽疑畢大臣照會所指劉鎮或卽劉令請還質畢深安團眾解散土匪遵卽勦辦以杜亂萌

晉撫岑來電

光緒二十七年三月二十一日到

頃據天鎮縣報稱十五早德兵十六名帶旗幟軍械聲言追宣化鎮何鎮並問天鎮大同有無隊伍時駐天鎮防軍已於十四退走幸未相遇又要陽高大同路程單通事稱已寫信去調大隊於當日八點鐘西行等語查德與晉五臺訂約後



並無違言大同鎮府前於教案微有牽涉已撤任是並未予  
以藉口今彼輕騎深入固非尋衅特恐無知兵民瞥見惶惑  
猝生意外枝節則貽誤匪輕且恐彼既倡言深入將來大隊  
踵到一行在必至震驚災區供應為難猶其後也敢懇鈞石  
俯賜商阻訂明勿再越境感盼

寄晉撫岑雲帥

光緒二十七年三月二十一日

效電悉頃接德瓦帥函以據可信之人報稱張家口西北有中國  
兵民與教民為難情形擬先派小隊赴空道張家口一帶查探如  
查實尚須續派大隊前往等語查張家口並無新出教案所稱張  
家口西北或即指天鎮大同而言經覆以來電大同鎮府前於教  
案微有牽涉已經撤任刻並無兵民與教民為難之事請勿派兵  
前往當無他虞慶李

晉撫岑來電

電稿三十六

光緒二十七年三月二十一日到

七

頃據大同府縣稟稱十六日有德兵馬隊十五名到境內兵  
官二人一如中國總兵一如中國副將該府縣以禮相接頗  
形欣悅聲言將取道朔平一路往甘肅尋董福祥同日又有  
馬隊九人來自陽高之東并集又有馬隊十人行抵豐鎮廳  
之大榆樹地方謂大榆樹有土匪三四百人見彼人少突相  
攻擊土匪既傷百餘並聞其大隊駐懷安已連函往調等語  
查大同一帶處處毗連直境防不勝防且量力度時亦未能  
以兵力強阻據聲言將西尋董福祥確否雖不可知惟彼既  
到大同應如何因應請示機宜除飛飭切阻並飭告知已派  
兵往剿大榆樹土匪千萬無須代勦外懇乞阻止

盛宗丞轉西安來電

光緒二十七年三月二十二日到



據晉撫電稱十六日有德兵官二人兵十五名到大同府縣以禮接待頗欣悅聲音將取道朔平往甘肅尋董福祥同日又有哨騎十九人一至陽高東井集一至豐鎮廳大榆樹該處適有土匪三四百人互擊匪傷百餘德因調其駐懷安大隊前來已飛飭勸阻等語現正商和約何以又有德兵官哨騎等突至大同並稱將往甘肅尋董福祥情殊可疑董福祥業已革職解去兵權緩辦何致派兵遠道往尋難免生衅除電知岑撫婉切勸阻並自勦土匪外希貴王大臣迅向德使探詢明確切實商阻毋礙和局爲要樞寄云

盛宗丞轉西安來電

光緒二十七年三月二十二日到

聞京城使館界內各國有分修礮臺之說該處逼近禁城關係重要不得藉防守爲詞聽其修築希即探詢明確如果有

電稿三十六

天

此事務向各使切實商阻萬勿允行樞箇云

盛宗丞轉華盛頓伍使來電

光緒二十七年三月二十二日

迭請美先減實數爲各國倡外部密告如先減恐招各國疑惟有切電柔使力勸各使美允大減廷窺美意可減四分之一但視各國如何方定勿索現一節美謂暫緩提恐各國聞之不允減也轉樞府慶邸傅相峴香兩帥廷皓云

寄西安

行在軍機處

光緒二十七年三月二十二日

昨各使照會賠款共索銀四百五十兆兩上下並引總綱第六款所載擔保如何賠補之語請聲明承認此數並指明如何擬籌理財辦法清還欠款等因查賠款以速定爲妙聞各使已擬定息銀照加一倍共須九萬萬兩爲數甚大另籌理財新法斷難濟急擬以鹽課釐每年銀一千萬常稅三百萬釐金三百萬共一千五百



萬兩分三十年還清不提加息並以中國財政人不敷出前三項皆我度支要需勉強騰挪空更鉅請允將洋商貨稅酌加三分之一稍資抵補所加有限彼或不爭免釐較有實益似此辦法與前奉洽電尙屬相符尊處如以爲然擬卽照覆商辦明知彼難依允且俟第二次來文必提加息再與相機磋商至減數一節亦擬竭力商酌肯允與否實無把握祈速覆勿誤慶李

桂撫黃來電

光緒二十七年三月二十二日到

十七日接駐紮梧州英國領事照會閱梧州府張貼刊刻  
騰黃與奉駐京大臣鈔錄 上諭二道多有刪改不同除已  
詳報駐京大臣查核辦理外相應照會等因查本年正月接  
西安電傳 上諭二道當卽遵照刊刻騰黃發行各屬張貼  
嗣於二月十九日承准慶親王李中堂咨行光緒二十六年

電稿二十六

元

十二月十三日欽奉

上諭兩道業經發鈔嗣因各國使臣

請改字句復又電奏奉

旨照准恭錄咨行務照此次所錄

諭旨刊刻騰黃通飭徧貼等因復經另刊騰黃頒發而正  
月所刊之騰黃先已遞至各屬張貼是以不符除照覆郝領  
事並將續刊騰黃送給外謹電陳

晉撫岑來電

光緒二十七年三月二十二日到

頃據懷仁縣稟稱德兵十六名於十八過境該縣以禮相待  
尙無騷擾等語迭據天鎮大同府縣稟報德兵入境先後電  
陳茲更深入人數如此其少決非尋衅可知惟恐係探晉富  
續來大隊三晉必至糜爛蓋晉中拳匪雖散而拳匪之心猶  
盡人皆是彼若續來大隊則變故猝起防不勝防匪固終無  
能爲然大局必爲搖動且教案正在查辦若猝糜爛亦非彼



之福也惟有仰懇詢其來晉意指示以因應之宜尤懇與之  
切訂萬勿赴省三晉幸甚儻彼稱係小隊游歷並無他意則  
懇屬其先行知照總署發給護照總署行文知照以便撥護  
大局未定人心未安若彼不知照徑來致有疏虞地方官實  
難任咎如何乞示覆

寄西安 行在軍機處並晉撫

光緒二十七年三月二十三

德瓦帥前聞有董福祥兵來直之說兼以宣大境內土匪與教  
民爲難派隊偵探現知董軍係謠傳已將游騎撤回尊處當已得  
信惟張家口西北教民仍屬驚惶略留小隊彈壓並不深入請勿  
過慮慶李

寄西安 行在軍機處

光緒二十七年三月二十四日申刻

聯軍撤兵之前奏准酌調袁馬兩軍應先期調到彈壓地方辦理

電稿三十六

三

善後事極繁要須有熟悉情形大員聯絡布置候補侍郎胡燏棻  
軍務洋務均極諳練現屆假滿已電調來京襄助一切請代奏勳  
鴻

盛宗丞轉西安來電

光緒二十七年三月二十五日亥刻到

昨因德兵突至大同等處已電請向德使探詢商阻頭復據  
岑春煊電稱德兵十六名於十八日過懷仁境自謂是小隊  
游歷恐愚民驚疑設突有土匪地方官不及保護猝生枝節  
致礙和局務希切商德使迅即電令德兵撤回不可游弋晉  
境若實係游歷即應照向章由總署發給護照先期知會庶  
可及時保護樞養云

盛宗丞轉榮相來電

光緒二十七年三月二十五日亥刻到

現議償款以減數寬期加稅爲要著至指抵的款若以新籌



之加稅加鎊等項則彼不允必以常稅鹽漕等大宗全數作抵則中國諸事束手且每年至多僅二千萬能祇抵千五百萬爲妙再劉張來電皆謂赫德將攬我鹽務德外部亦云有人從中漁利卽指赫言劉並謂鹽務緝私兼用勇營若赫辦且持我兵柄等語不知赫果有攬辦之說否自仍以由我自行整頓定期全數交海關收付赫但代稽查爲妥望留意商定償款究能減數若干展期若干加稅加鎊允否均望詳示盛宗丞轉西安來電

光緒二十七年三月二十六日到

江督電稱駐甯美領事來見謂賠款事美願助中商減屢向各國言及中國財力不支而各國總謂中國能還此數柔使之意須由全權將中國爲難情形詳切照會各使商請大爲減數展期柔使卽可持此再商各國從中斡旋復據伍使電

電稿三十六

三

稱美肯讓四分之一爲各國倡但不肯先言以致各國之疑等語可否卽將此意照會各使俾柔使藉以居閒調處惟不可漏出美使之意希酌辦樞漾云

晉撫岑來電

光緒二十七年三月二十六日到

頃豐鎮廳面稱十七日有德兵十人由張家口來經過該廳前往歸化行距該廳百廿餘里之廂藍旗地方遇兵放鎗攔阻德兵卽馳回張家口等語查豐鎮甯遠兩廳北境均察哈爾右翼旗地所稱遇見之兵是滿是漢未據詳言已咨察哈爾都統並大同鎮查拏滋事之人從重懲辦特華兵雖屬失禮德人亦未嘗無過彼來游歷並不由總署先行知會地方官何從保護儻因小事牽動全局貽誤實多擬懇與各使訂明以後聯軍萬勿越界游弋如欲游歷或有別事務先請由



總署知照以便轉飭保護否則地方官難勝重咎至放鎗之兵必查明自行嚴辦謝過彼萬不必勞師其保和局敬乞轉達示覆至叩至感

晉撫岑來電

光緒二十七年三月二十六日到

馬電謹悉危疆屢勞維護感甚查瓦帥所指張家口西北當係歸綏等處然全晉近日實無新出教案惟口外舊駐之防軍上年於教案微有牽涉煊訪聞已將該營調回另派營填紮彈壓並即將從前管帶查明參處口外教案經恩道與教士宇嗣安商明借給銀兩作撫卹農具牛種等用將來由賠款扣還是晉省教案實已竭力辦理猶有不及必其中別有窒礙非彼所知復限於財力才力耳且滋事之處彼可相告若派兵來我既不能辦彼亦不能代辦終是兩傷敢乞便中

電稿二十六

三

告知瓦帥令無受教民之愚致生意外枝節至彼來游歷則務懇屬其請總署行文撥護萬勿徑來今日據代州稟德兵十六人行至該州遇見回陝之陝軍軍裝數車遂搶掠銀物折回山陰此等行為亦頗謂無賴矣是否仍來有無大隊續到確探再達

晉撫岑來電

光緒二十七年三月二十六日到

前因防軍報洋兵攻入固關當派沈道敦和赴法營勸阻業經電達茲沈道回省稟前議七條係因晤巴提督言洋人最不便於晉省者有三一劉方等軍不遵退晉調度日謀仇害洋人一晉民錮習未革仍前仇教以致教民不敢歸業一洋教士多欲來查去年受害情形以自井陘入晉道路不靖不能前往晉省能將數事辦妥洋兵決不擾晉即與議立七條



務卽疏通壅滯聯絡華洋藉開銅被該道未敢擅專是以電稟請示並將草稿託法將飛呈察核鈞石如謂可行請賜電覆以便分別舉辦

寄晉撫岑雲帥

光緒二十七年三月二十六日

濠電悉沈道到正定曾電稱與巴議定七條附法軍綫寄來因未知所議如何故置未覆讀來電知所議均妥洽劉方不遵退晉調度已屬往事晉民自應嚴禁仇教此聞教士因入晉道路不靖屢請派員護送苦無員可派能通直晉之道去其阻礙不獨教士稱便也

晉撫岑來電

光緒二十七年三月二十六日到

馬二電計呈頃據歸綏道稟稱開鎗攔阻德兵者確是蒙兵係教士轉據教民所言當不謬該道已商令教士宇嗣安馳

電稿三十六

三五

往慰問並詢來意矣惟蒙兵向不歸地方官管轄應否先行查辦以杜藉口之處請咨察哈爾都統辦理尤懇與聯軍切言以後萬勿任意游弋保全實多

寄晉撫岑雲帥

光緒二十七年三月二十六日

馬馮電均悉自遭變後洋兵任意游弋總署護照章程久無所施今且將併總署議改矣蒙兵遇洋兵放鎗阻之既未傷人啟衅經尊處咨查足可了事德瓦帥稱兵已撤回不再西去以後歸綏大同開當無洋兵蹤跡慶幸

盛宗丞轉柏林呂使來電

光緒二十七年三月二十七日到

呂使效電洋貨加稅並將免稅者酌抽輕稅者酌增按照洋藥稅釐併徵之法辦理無論值百抽五抽十統以金交納按時估價果能辦到所增當甚鉅以金交納辦法約有五端一



貨物在原造地方購價之數二該貨由原造地方販至中國海口所需車船運費之數三該貨保險費駁船費及一切商家經手等費之數四以上三項共成若干總數作爲貨值之數照此核算抽稅均以底賬爲憑五稅金每日所收若干卽交各銀行代存按日計息既可得有餘利且免將來付洋債時用銀買金鎊擡價折耗之虧惟各海關火耗平餘全免似應稍加津貼以免辦公竭蹶方能永無流弊查此次賠款過鉅借債虧折太多擬將償款四百五十兆兩勻分十年照各國應得之數選付各國國家如能不加利息更妙儻或稍加利息卽在四五釐之間所付之利亦不過百兆零較七折借債可省三百餘兆兩乃爲合算時事所迫不勝憤急慮見備采乞轉樞垣譯署應否代奏請卓裁并轉慶李劉張海效云

電稿二十六

五

盛宗丞轉西安來電

光緒二十七年三月二十七日到

奉旨近日商議條款如何情形數日未據奕劻等電奏殊深慮係賠款一節前據電稱四月底方能開議如遲至彼時設仍須辨論則又多延時日能否設法催辦竭力磋磨速定公約以期早日撤兵該王大臣務將商議情形隨時電奏欽此

盛宗丞轉西安來電

光緒二十七年三月二十七日到

養電已進呈各使照會籠統索銀四百五十兆上下不言分年加息亦不提現銀其中必有深意尊意擬以鹽課釐等項每年一千五百萬作抵分三十年償清不提加息俟其提及加息再與磋商並議減數籌固善特慮一經照覆彼謂如數已允再言息銀照加一倍必致仍合每年三千萬之數墮



其術中何從措手似宜據各使前約那桐等討論所言償款  
每年祇能籌一千五百萬彼謂如此則須六十年方能攤完  
是各使已明知中國力量祇有此數嗣貴傅相晤各使屬將  
賠款大減美使稱中國力量不過能賠至三萬一十萬兩為  
止擬向各國勸減云云是四百五十兆之數美國果能實力  
相助必可減少祿等再四籌商自以先議減數力與磋商仍  
預留索加息銀地步儻三十年之限不能展寬告以中國已  
將鹽課釐等項度支要需勉強挪騰空甚鉅此外斷無從  
別籌鉅款至彼問如何指定理財辦法則請加鎊價酌量加  
稅及印花稅房捐等項陸續籌辦總之無論有息無息每年  
祇能分償此數且防其欲索現銀與我為難務希尊處切實  
磋商萬勿鬆勁免致日後益難自立至尊意洋稅酌加三分

電稿三十六

五

之一約計僅二三百萬為數甚微反礙以後議加地步祇須  
將加稅一事預先提明為上文張本卻萬不可先定擬加數  
目仍望酌裁詳審妥籌是為至要樞宥云

盛宗丞轉粵督陶來電

光緒二十七年三月二十七日到

賠款若重加地丁釐金鹽課必致擾亂裴副總稅司所擬節  
略於加稅併釐各節約歲增三千萬辦法甚善儻與各國議  
行則抵款所缺無幾設籌較易赫德徧袒外人所言未可盡  
信乞酌核可否轉全權江鄂鑒裁云

晉撫岑來電

光緒二十七年三月二十七日到

頃據歸綏道稟稱十八日據華教士函稱後山一帶謠傳蒙  
古四子王部落業已調兵意將仇教口外人心浮動拳習尙  
未盡除蒙古兵民尤甚近以洋兵西來與蒙兵互擊仍復折



回以致謠言愈多雖所稱四子王調兵仇教之說未必盡確而以平日蒙民仇教之習亦難免教民駭懼請派兵前往彈壓等語查口外教案經歸綏道恩銘與教士商辦甫有端倪儻此時再有蒙兵滋事不惟晉事愈棘且恐牽動全局自應酌派得力營旗前往彈壓惟蒙古向不歸地方官管轄終難約束當電奏請飭理藩院綏遠城將軍察哈爾都統一體嚴加約束至此聞派兵前往又恐外人滋疑應請轉告各使派兵係爲保護教會彈壓地方決無他意

晉撫岑來電

光緒二十七年三月二十七日到

前准鈞咨以欽奉諭旨殺害陵虐各國人民各城鎮停考五年令將遵辦情形先行聲覆等因查各國人民自係專指洋人晉省虐害洋人約十七廳縣均有城鎮可查是否專停

電稿三十六

美

一城一鎮之考抑須一縣全停省城爲通省鄉試之地所殺洋人最多鄉試應由何處舉行又科歲兩考如何分別辦理此條關係和約大綱直晉事同一律辦理未便兩歧擬請咨示直省停考章程查照妥辦學使已經出棚科歲兩考分別辦法尤懇急電賜示遵行

晉撫岑來電

光緒二十七年三月二十七日到

前因赴歸化之德兵行至察哈爾右翼地爲蒙兵所阻當經恩道商令教士宇嗣安馳往解勸阻止頃又據恩道稟稱生事地方確係十三日蒙古草地與歸化屬廳地方官無涉教士葛萬清恐洋兵西來有礙教民賑務情願前往張家口約同方主教與洋兵晤商勸阻業於十九日起程等語懇卽轉達各使並瓦帥務請以後如有交涉事件可照會商辦萬勿



遽派兵來轉致民教不安再敬電陳明擬派兵前往歸化乞  
與各使言明電示以便派往

寄晉撫岑雲帥 光緒二十七年三月二十七日

敬徑電均悉蒙旗連晉境有仇教事尊處儘可派兵彈壓無須知  
照各使轉致藉詞攙越如彼來問當據實告之理藩院祇能行文  
兵事自應由疆帥就近調度此聞亦有謠言云蒙兵生變將與國  
家爲難不干洋人事殊可發笑各國並無派兵之意慶李

寄晉撫岑雲帥 光緒二十七年三月二十七日

敬電悉各使開來停考五年單內山西太原府忻州太谷縣大同  
府汾州府孝義縣曲沃縣大甯縣河津縣岳陽縣朔平府文水縣  
壽陽縣平陽縣長子縣高平縣澤州府隰州蒲縣絳州平遙縣潞  
城縣潞安府洪洞縣歸化城綏遠城其二十六處與商分別城鎮

電稿三十六

毛

不允與商開府名者祇停首縣生童應試府城仍開考亦不允現  
無法祇與商京城鄉會試及山西鄉試尙未知能允否單開各處  
歲科試五年內均須停止其指明某府所屬外縣不在單內者似  
可調赴別府考棚應試平陽縣或係平陽府之訛彼誤開似以不  
指破爲妙慶李

盛宗丞轉西安來電 光緒二十七年三月二十八日到

據江鄂兩督電稱鹽課釐抵償賠款鹽商鹽戶等聞將由洋  
人攬辦慮失生業異常驚惶長江一帶鹽梟乘機擾動恐釀  
巨患萬望勿允鹽款作抵等語竊思各國既索有著抵款鹽  
務抵償既多窒礙請先將漕折常稅土藥釐金等款指抵如  
不足數再於鹽務內撥款補足較妥希酌辦樞沁云  
盛宗丞轉西安來電 光緒二十七年三月二十八日到



晉撫電稱大同練軍管帶楊澤魁稟三月二十二日奉到軍機處包封四件飛遞宣化該鎮並無馬撥接遞等語希尊處迅飭宣化鎮添設馬撥接遞文件免致貽誤為要樞沁云

寄閩督許筠帥

光緒二十七年三月二十八日辰刻

廈門鼓浪嶼設立公租界一事前准領銜日國葛使來文催辦茲又准美使函稱現接廈電本國駐廈領事擬數禮拜後告退回國欲了辦此事心甚著急上年滋事時該領事助中國官員安撫兵心出借資款應付兵餉出力請查照轉屬閩督俾該領事得如其意等語查公租界華官得以設捕巡查尚不失地方官主權若不早辦恐有索專租界者必至更多棘手至所稱得如其意不過欲早遂該領事歸計希速飭商辦電覆慶李

晉撫岑來電

光緒二十七年三月二十八日到

電稿二十六

庚

奉漾電謹悉前來大同等處之德兵十六名行至代州折回由繁峙靈邱一帶回京曾派弁兵護送當無他慮口外蒙漢拳習未除疊據歸綏道稟請派兵彈壓務懇先告各使及瓦帥俾知派兵前往係彈壓地方決無他意免滋疑慮示覆即派敬電請示停考辦法候示覆奏

晉撫岑來電

光緒二十七年三月二十八日到

前由大同一路來晉之德兵十六名據靈邱縣稟稱已於廿四日護送至廣昌該德兵經過天鎮陽高大同懷仁山陰代州繁峙靈邱等州縣均安靜無事

晉撫岑來電

光緒二十七年三月二十八日到

頃據歸綏道稟轉據華教士函稱目下察哈爾西四旗調集蒙兵聲音勦除蒙地教民請即設法彈壓等語此言雖未必







李文忠公電稿

卷之三十七目錄

寄皖撫王灼帥 光緒二十七年四月初一日辰刻

馬提督汴梁來電 光緒二十七年四月初一日到

甘督崧來電 光緒二十七年四月初一日到

寄倫敦羅使 光緒二十七年四月初一日午刻

盛宗丞轉西安來電 光緒二十七年四月初一日到

江督劉轉柏林呂使來電 光緒二十七年四月初一日到

盛宗丞轉西安來電 光緒二十七年四月初二日到

盛宗丞轉榮相等來電 光緒二十七年四月初二日到

盛宗丞轉西安來電 光緒二十七年四月初二日到

寄西安 行在軍機處 光緒二十七年四月初二日

寄東撫袁慰帥 光緒二十七年四月初二日巳刻

盛宗丞轉陶方帥來電 光緒二十七年四月初二日到

寄西安 行在軍機處 光緒二十七年四月初二日午刻

寄庫倫辦事大臣 光緒二十七年四月初二日

晉撫岑來電 光緒二十七年四月初二日到

覆西安 行在軍機處 光緒二十七年四月初三日辰刻

寄西安 行在軍機處 光緒二十七年四月初三日

倫敦羅使來電 光緒二十七年四月初三日到

晉撫岑來電 光緒二十七年四月初三日到

東撫袁來電 光緒二十七年四月初三日到

寄江鄂蘇浙皖贛川粵東陝湘各督撫 光緒二十七年四月初三日

晉撫岑來電 光緒二十七年四月初三日到



盛宗丞轉柏林呂使來電 光緒二十七年四月初四日到

晉撫岑來電 光緒二十七年四月初六日到

盛宗丞轉西安來電 光緒二十七年四月初六日到

寄西安 行在軍機處 光緒二十七年四月初六日未刻

晉撫岑來電 光緒二十七年四月初六日到

江督劉蘇撫聶來電 光緒二十七年四月初七日到

盛宗丞轉西安來電 光緒二十七年四月初七日到

寄西安 行在軍機處 光緒二十七年四月初七日

浙撫余來電 光緒二十七年四月初七日到

盛宗丞來電 光緒二十七年四月初七日到

寄粵督陶方帥 光緒二十七年四月初七日

東撫袁來電 光緒二十七年四月初七日到

電稿三十七目錄

寄江督劉蘇撫聶 光緒二十七年四月初七日

寄浙撫余晉帥 光緒二十七年四月初七日

贛撫李來電 光緒二十七年四月初八日到

寄贛撫李勉帥 光緒二十七年四月初八日

寄西安 行在軍機處 光緒二十七年四月初八日辰刻

寄倫敦羅使 光緒二十七年四月初八日

滬行各商來電 光緒二十七年四月初八日到

晉撫岑來電 光緒二十七年四月初八日到

寄晉撫岑雲帥 光緒二十七年四月初八日

寄西安 行在軍機處 光緒二十七年四月初九日

寄晉撫岑雲帥 光緒二十七年四月初九日



粵督陶來電

光緒二十七年四月初九日到

盛宗丞轉鄂督張來電

光緒二十七年四月初九日到

周藩司等致盛宗丞

光緒二十七年四月初九日

寄西安 行在軍機處

光緒二十七年四月初十日辰刻

寄西安 行在軍機處

光緒二十七年四月初十日

寄西安 行在軍機處

光緒二十七年四月初十日

盛宗丞轉西安來電

光緒二十七年四月初十日到

豫撫松來電

光緒二十七年四月初十日到

寄豫撫松鶴帥

光緒二十七年四月初十日申刻

盛宗丞來電

光緒二十七年四月初十日到

寄閩督許筠帥

光緒二十七年四月初十日

盛宗丞轉鄂督張來電

光緒二十七年四月初十日到

電稿二十七目錄

三

盛宗丞轉西安來電

光緒二十七年四月十一日到

盛宗丞轉西安來電

光緒二十七年四月十一日到

寄西安 行在軍機處

光緒二十七年四月十一日申刻

寄西安 行在軍機處

光緒二十七年四月十一日

盛宗丞轉西安來電

光緒二十七年四月十一日到

盛宗丞轉西安來電

光緒二十七年四月十一日到

龐道鴻書來電

光緒二十七年四月十一日到

寄西安 行在軍機處

光緒二十七年四月十二日

盛宗丞轉西安來電

光緒二十七年四月十二日到

江督劉來電

光緒二十七年四月十三日到

寄江督劉峴帥

光緒二十七年四月十三日

湘撫俞來電

光緒二十七年四月十三日到



盛宗丞轉江督劉來電 光緒二十七年四月十三日到

晉撫岑來電 光緒二十七年四月十三日到

寄西安 行在軍機處 光緒二十七年四月十三日到

盛宗丞轉西安來電 光緒二十七年四月十三日到

盛宗丞轉華盛頓伍使來電 光緒二十七年四月十三日到

江督劉來電 光緒二十七年四月十四日到

江督劉轉柏林呂使來電 光緒二十七年四月十四日到

寄華盛頓伍使 光緒二十七年四月十四日

寄西安 行在軍機處戶部 光緒二十七年四月十四日

寄西安 行在軍機處 光緒二十七年四月十五日

寄柏林呂使 光緒二十七年四月十五日

寄西安 行在軍機處 光緒二十七年四月十六日午刻

覆倫敦羅使 光緒二十七年四月十六日午刻

盛宗丞轉柏林呂使來電 光緒二十七年四月十六日到

盛宗丞轉巴黎裕使來電 光緒二十七年四月十六日到

寄西安 行在軍機處 光緒二十七年四月十六日

寄天津張京堂 光緒二十七年四月十六日

盛宗丞轉西安來電 光緒二十七年四月十六日到

華盛頓伍使來電 光緒二十七年四月十六日到

晉撫岑來電 光緒二十七年四月十六日到

覆晉撫岑雲帥 光緒二十七年四月十六日午刻

寄東撫袁慰帥 光緒二十七年四月十六日

盛宗丞轉日本李使來電 光緒二十七年四月十七日到

寄西安 行在軍機處 光緒二十七年四月十七日



寄西安 行在軍機處 光緒二十七年四月十七日

粵督陶粵撫德來電 光緒二十七年四月十七日到

晉撫岑來電 光緒二十七年四月十七日到

東撫袁來電 光緒二十七年四月十七日到

寄西安 行在軍機處 光緒二十七年四月十八日

盛宗丞轉西安來電 光緒二十七年四月十八日到

晉撫岑來電 光緒二十七年四月十八日到

寄晉撫岑雲帥 光緒二十七年四月十八日

寄陝撫升吉帥 光緒二十七年四月十八日酉刻

盛宗丞轉西安來電 光緒二十七年四月十九日到

盛宗丞轉西安來電 光緒二十七年四月十九日到

盛宗丞轉西安來電 光緒二十七年四月十九日到

寄西安 行在軍機處 光緒二十七年四月十九日申刻

寄西安 行在軍機處 光緒二十七年四月十九日酉刻

寄西安 行在軍機處 光緒二十七年四月二十日到

盛宗丞轉西安來電 光緒二十七年四月二十日到

寄西安 行在軍機處 光緒二十七年四月二十日

寄西安 行在軍機處 光緒二十七年四月二十日

盛宗丞來電 光緒二十七年四月二十日到

寄晉撫岑雲帥 光緒二十七年四月二十日

電稿二十七目錄

五



李文忠公電稿卷三十七

全集五之三十七

桐城吳汝綸編錄

寄皖撫王灼帥

光緒二十七年四月初一日辰刻

據關東鐵路公司稟稱關外俄監工韋爾候福斯齊向駐遼陽拳匪亂後查無下落現該俄員之弟來遼據稱必須追詢該州陳衍庶陳牧係懷甯人現已回籍請電尊處轉飭該牧從速稟覆該俄員當時是否被擒監禁被刑身死尸首埋藏何處不得稍涉含混等語希照辦速覆

馬提督汴梁來電

光緒二十七年四月初一日到

廿三在山西高平縣接奉兩諭謹悉廿六抵清化鎮暫將各營分駐清化附近一帶程提督所統五省援軍已奉旨撤歸各省俟程軍退後即行分赴彰衛懷擇要填紮蒙諭卑部

電稿二十七

全數開赴順直辦理巡緝自應恪遵即祈酌奪具奏請旨

左軍仍食部餉併陳

甘督崧來電

光緒二十七年四月初一日到

接敬電承詢俄官廓澤羅伏等去冬在青海地方被害俄使訊查等因查俄官現奔何處併未據西甯道稟報前飭催款已專文飭備候交併於宥電奉聞在案茲奉飭查現又飛飭西甯道及咨西甯辦事大臣確查迅覆俟各該處覆到即行

電聞

寄倫敦羅使

光緒二十七年四月初一日午刻

聞義使薩瓦現將告假回國繙譯威達雷明白和平屢代公使望轉致義外部仍令代理以資熟手

盛宗丞轉西安來電

光緒二十七年四月初一日到



籌款一事連日中外條奏多以丁稅爲言果能辦理得法每丁歲捐錢二三百文尙不至擾累而可集巨款現擬飭各省籌議奏辦惟各處教民皆係中國百姓自應一律認捐方免入教避捐致多窒礙卽在租界居住之華人亦必認捐惟必須先向各使言明定章方能舉辦查赫德節略卽有此議前次英薩使晤那徐周時亦曾詢及丁稅可辦否足見各使亦欲我舉辦此事應請尊處預與各使說定將來開辦時無論在教民人及租界寓居華民一律計口收捐不得歧異以昭公允並望商定電覆樞豔云

江督劉轉柏林呂使來電

光緒二十七年四月初一日到

遵電切商外部據稱丁捐恐別生事端而加稅英仍不允昨英商又紛紛稟阻德亦無法告以加稅事關邦交非商所能

電稿二十七

二

阻借債虧折太多現銀難措仍望代籌良策彼云此時借債銀行自必居奇爲中國計應賠某國若干卽立欠票若干交某國持據暫不還本每年先按本出息俟數年大定後另籌還本之法或再借債亦不至受人挾制日後還本若干利卽遞減如此變通實大有益告以中國實係無力乃請德國倡首將賠數減讓再能免去利息分年還本更見交情彼云賠款四百五十兆兩無可再減利斷難免反覆商議彼云至少須四釐每年出利十八兆兩中國不致爲難以欠票爲據以從前借債未經抵出之進款作抵既有實在著落聯兵卽可撤退告以中國現在極力變法需款甚繁若將進款作抵非加稅無從籌備仍望貴國贊助彼云加稅一節先將賠款議結聯兵出京後國家照常辦事再與各國從容商議自可有



成云云又據稱此係彼之私意與各國尚未妥商屬暫先電  
華惟大局攸關恐誤事機特摘要密陳或作傳聞之說與各  
使商辦勿述海電以免掣肘為幸乞轉樞譯並慶李張云

盛宗丞轉西安來電

光緒二十七年四月初二日到

面奉 諭旨前據順天府兩次代遞紳民呈請回鑾茲復據

都察院聯銜陳奏具見依戀惻忱朕恭奉 慈輿駐蹕長安

遙瞻 宗社時切愴懷未嘗不急欲回鑾以慰天下臣民之

望著奕劻李鴻章將和約迅速議結俾洋兵早撤以便定期

回鑾該親王等即將此旨徧諭臣民人等知之至回鑾日期

內廷應行預備各事宜著傳諭世續屆時先為料理欽此遵

旨電達樞東云

盛宗丞轉榮相等來電

光緒二十七年四月初二日到

電稿三十七

變法一詔已奉 旨派辦政務處祿等叨陪末座諸賴教益

查中外各官條奏到者甚多日久積存愈難清理自應奏派

委員隨時擬議分別棄取以備彙齊酌定請 旨施行昨已

奏請欽頒關防因思在京如張佩綸于式枚均請派入以資

襄助 行在則擬派樊增祥徐世昌孫寶琦及軍機章京陳

邦瑞郭曾忻此外尊意中尚有通才可派者祈酌定電示以

便會銜具奏望即電覆祿韶霖東云

盛宗丞轉西安來電

光緒二十七年四月初二日到

光緒二十七年四月初一日內閣奉 上諭三月十一日諭

旨懲辦教案人員茲據岑春煊查明奏稱內有山西大甯縣

知縣曾季鳳係曹季鳳壽陽縣知縣秦鑑湖係秦錫圭著即

更正欽此此 旨希即發鈔查當時任壽陽者係秦錫圭並



非秦鑑湖現已更正希向各使言明樞東云

寄西安

行在軍機處

光緒二十七年四月初二日

前請飭調馬玉崑所部八營於洋兵將撤時來京已蒙俞允惟近畿一帶兵荒之後拳匪未靖土匪蠢起非厚集兵力不足以資鎮撫擬請將該軍二十營全數調用先派數營移紮順德趙州一帶就近赴保正兩府所屬助剿土匪免致洋人藉勒拳匪為名派兵四出滋擾實於畿輔地方有益祈代奏請旨飭遵劄鴻

寄東撫袁慰帥

光緒二十七年四月初二日巳刻

姜桂題所部駐紮較遠聞到京需五十日殊太遲緩現議賠款不日就緒洋兵即撤望催令速來先至河閒暫紮候再調遣昨已奏派胡雲楣聯絡布置客軍矣慶李

盛宗丞轉陶方帥來電

光緒二十七年四月初二日到

電稿二十七

四

丁捐無籍可稽且恐驅而從教此閒擬倣四川畝捐副以房捐每年約可得百餘萬鹽務增抽甚難兩淮如何已電詢峴公鄙見新疆礦產久為俄英垂涎儻能以之商抵似可稍紓財力裴稅司所議加稅併釐實為善策雖驟難辦到總應設法婉商高見如何祈示並商全權江鄂云

寄西安

行在軍機處

光緒二十七年四月初二日午刻

課稅攤丁入地統名地丁康熙閒有永不加賦之詔丁稅即加賦也本不當行今因變法理財中外條奏及此尊意欲飭各省籌辦鄙見丁冊無徵事太擾累萬難辦理得法如果舉行必致海內騷然民不聊生立召變亂強壯流為盜賊貧弱淪於溝壑目下人心不靖撫卹為難尤宜厝意公等均曾歷封疆諒知州縣吏役積弊願體卹民隱萬勿惑於浮言巨款未集轉生巨患也至赫德節



略偶有此議各使雖亦問及不過爲索抵賠款起見並非代我謀財如與商及租界華民及教民必不認捐更恐迫民入教爲輩驅爵耳各使氣燄正張敝處據情上請者均迫於事勢萬難得已時內疚若因其欲我舉辦者皆舉辦之則自主之權不侵自失中國誠貧弱理財急務亦是難題似宜回鑾後民心漸定從容安議或有良法若倉猝之間卽能驟集巨款無非培克聚斂實恐大傷元氣民生所係敢不直陳慶李

寄庫倫辦事大臣

光緒二十七年四月初二日

頃俄國格欽差以俄國游歷官廓澤羅伏等杳無消息已飭駐庫總領事尋覓請電達貴大臣幫同俄領事並轉飭所屬各官設法尋覓務獲等語希查照速辦有無下落覆電仍交俄領事轉遞慶李

晉撫岑來電

電稿二十七  
光緒二十七年四月初二日到

五

頃據沈道詢據安懷珍稱晉省教案賠款太汾大朔甯五府忻代保平四州五兆潞澤平蒲四府解絳霍隰遼沁六州二兆係在京經各國公使與鈞右商明又據安云省城北門內教堂賠款定一兆八億不許會查亦經言明有無此議請賜覆

覆西安

行在軍機處

光緒二十七年四月初三日辰刻

奉東電以派辦政務處襄助需人除擬派行在各員外在京之張佩綸于式枚均擬派入該二員才識俱優堪備顧問崑擬派御史陳璧一員慶擬俟回鑾後再行酌派條奏到者雖多而謀定後動似彙齊斟酌覆奏尙需時日希卓裁慶李

寄西安

行在軍機處

光緒二十七年四月初三日



慶本擬回變後商派因各堂業經派人即須彙奏擬派徐壽朋仍希卓裁慶李

倫敦羅使來電

光緒二十七年四月初三日到

東電已密轉義外部候覆再呈

晉撫岑來電

光緒二十七年四月初三日到

據護理大同府章同稟稱洋兵五十餘人攜帶礮車於二十一日住宣化次日即回其另股五十餘人亦於張家口馳赴草地查此股洋兵究竟其意何欲詢之教士據稱德兵在於某邸府駐紮忽於前月火藥炸發轟斃多人嗣獲奸細一人供為董福祥所指使近閱直報載董福祥仍統萬人由草地襲取並由戶部籌得銀一兆零四萬五千餘兩洋人多疑是以分投查探等語查現在和局將成該報館何以任意播弄

電稿二十七

致啟猜疑懇迅飭該館勿得率行傳訛致有藉口

東撫袁來電

光緒二十七年四月初三日到

冬電敬悉姜桂題所部現分紮青維一帶保護德人路礦工程原擬由省派隊接替始可部署開拔鈞意既慮遲緩刻已電撥就近防營迅往冀可早至世凱謹覆

寄江鄂蘇浙皖贛川粵陝湘各督撫

光緒二十七年四月初三日

臣民仰望回鑾和議漸有端緒惟直隸兵燹之餘民窮財盡六飛所臨橋梁道路行幄驛館皆須創建實難措手擬懇甯蘇皖贛浙粵蜀楚湘魯各籌借銀十萬兩分四六八月三次匯滬轉匯來直以便供支大差仍自明年起分十年由直勻還或即抵指協餉各款如承慨助感佩無量仍乞即日電覆以便入告

晉撫岑來電

光緒二十七年四月初三日到



頃接察哈爾都統飛函洋兵三月廿五到口因入旗營將火藥軍器轟炸洋將帶傷洋兵傷斃數名旗民死者百餘名屬派沈道速往辦理細閱來函洋兵無端且係彼入我營轟我軍火所致並非我有意陷害原存軍火係防口外盜賊前沈道在彼練勇保衛閭閻爲洋人嘉許今事出意外恐彼興師用特代陳懇請轉達瓦帥但派員查辦免派兵隊一方受福無窮沈道在晉正值開議斷難前往

盛宗丞轉柏林呂使來電

光緒二十七年四月初四日到

頃晤外部據稱德國軍費民商償款共約二百五十兆馬克如不付現須年利四釐行息其首批利定於西明年正月一號付以後如何歸本付利以何項作保須卽會商訂章中國能均允辦請降旨照准送與穆使查閱則德兵大隊當立

電稿二十七

七

撤歸惟聞保定一帶又有仇洋事起中國須先從速勘定以爲撤兵張本德國倡撤各國諒必從風否則多遲一日賠款多費一日請轉江鄂兩督云海冬乞轉劉張並樞譯慶李先電覆云

晉撫岑來電

光緒二十七年四月初六日到

豔電承示力阻德兵感甚查從前匪類方晦匿逃亡之不暇何能復出頭仇教瓦帥所云教民受匪欺陵當不免爲教民砌詞所動惟教案未能及早清理地方官誠不爲無過現飭由洋務局遴委守令十餘員分往各處勒限清理計一月後當能稍有眉目歸綏七廳經恩道會同教士宇嗣安葛萬璽等辦理已得端倪矣煊竊以教案延宕至今固由地方官玩視亦未嘗不由彼軍壓境人心皇皇致多觀望現幸邊防無



警正議清理之時若德兵再來人心震動勢必議辦之事又不能辦是兩損也務懇切勸阻止果晉省教民有受虐實據彼再派兵不晚萬勿輕信謠言致生枝節

盛宗丞轉西安來電

光緒二十七年四月初六日到

奉 旨據奎順等奏三月閒有德兵至張家口空營內將埋藏之軍火刨出拉運自行失火傷斃洋兵數名旗兵傷斃甚多衙署房屋全行震塌該洋官南北送信恐藉詞生衅請電飭全權派員查辦等語此事究竟是何實情德兵有無尋衅之意卽著奕劻李鴻章探明電覆并派員馳往查辦毋任滋擾生事欽此

寄西安

行在軍機處

光緒二十七年四月初六日未刻

電

旨據奎順奏報張家口德兵刨運軍火轟傷該國官兵並震

電稿三十七

八

塌我國官民房屋轟壓致斃多人飭卽探明並派員馳往查辦等因查此事先准奎順三次咨函均於初四日遞到除起衅情形與電奏相符外另稱德兵克瑪連次派赴口南調兵隨有該國杜提督率兵到口奎順接晤辯論該提督亦自知無理惟恃強索賠銀款甚鉅三月二十九日始議定賠銀十二萬兩限四月初一日措交屬鴻章代借等語查該都統等文到已逾原限三日直隸艱窘萬狀豈能籌此意外賠款外國銀行非有抵押不能商借昨接聯軍總帥瓦勒西函稱張家口德軍擬於中歷四月初九日撤回則退師在卽當不至藉此生衅但奎順擅立十二萬之約未先函商亦未鈔送原文輒先畫諾將來能否免交讓減抑或竟須照付應由奎順等自行奏辦其起衅情由有無隱諱已派直隸州朱璋達馳往查明請先代奏劄鴻



晉撫岑來電

光緒二十七年四月初六日到

昨今兩致周藩司電略陳教士安懷珍劉博第刁難及目下辦理情形計達鈞聽安劉身經拳匪變亂積忿太深藉此刁難洩憤亦屬人情惟彼但於教案外強要以萬不能允之事而教案內應辦之事反不和衷商辦似此直無了日即如劉博第前索省城書院令德堂當告以書院係合省公地不能與若因省城無住處當為租寬潔房屋不聽以武備學堂與之亦不聽武備學堂實較令德堂尤為宏廡正礎磨閒彼突將令德堂佔據又請撤機器局並禁止改建令德堂謂既停考不應讀書又請勦洗晉祠地方百姓聞已電京索晉祠查晉祠一水太原民田賴以灌溉若與之小民生計必絕彼索晉祠非欲得廟宇蓋欲攘水利耳種種無理取鬧難以理喻

電稿三十七

九

查安懷珍前請借款當借給銀八萬兩作為教民牛種農具之用二萬兩作為修蓋房屋之用續以修蓋費不敷又借給二萬是教民有生計矣洞兒溝等教堂毫未毀壞且允省城為寬寬潔房屋是教士有居處矣孤女二百五名未找回者僅二十八名是亦為之竭力矣彼之有意刁難動輒云係奉公使命並云不允即請兵來真心辦事者恐不如是且安懷珍僅管太甯朔汾五府忻代保平四州其潞澤平蒲解絳霍隰遼沁十府州又係質廣才所管口外七廳又係方濟眾所管天主教統歸法國保護同一法案須數主教商辦不免參差且耶穌教現亦無人經理可否商之英法義公使派一職分較崇辦事和平可以總挈全晉教案之主教來晉商辦似兩有益否則雖多方要挾而萬不能允之事終須磋磨徒



費時日兩俱有損乞改派一人是否有當敬懇指示遵行並乞示周藩司一閱

江督劉蘇撫聶來電 光緒二十七年四月初七日到

江電悉蘇省近年人少出多艱窘特甚自貨釐抵還洋債後各省撥補之款短解甚鉅上年軍興後費用益繁並協撥直省銀三十萬兩更覺搜括一空本年撥補各款部仍照案指撥勢必仍多無著開源無術正深焦急奉電後一再設籌實苦無從協濟惟事關大差又復重以鈞命不能不於無可設法中勉為挪應甯蘇本屬一省當湊借銀十萬兩飭滬關按期解京分年攤扣已飭關遵照

盛宗丞轉西安來電 光緒二十七年四月初七日到

呂使冬電稱德索兵費及民商償款共約二百五十兆馬克

電稿二十七

十

如不付現須年息四釐頭批限期付利以後歸本付利作保定章能允照辦當立撤兵等語尊處計已接到究竟償款與各國磋商能否寬期減數可否與德國先行減定償款首先撤兵各國或可相率從風庶免延誤增費希裁酌妥辦電覆冬電請將馬玉崑二十營全數調用一節本日已有電旨飭該提督先撥數營移紮順德趙州一帶就近赴保正勦辦拳士各匪餘營聽調並希指示機宜隨時飭遵總須一面商令洋兵撤退毋致混雜滋事為要樞魚云

寄西安 行在軍機處 光緒二十七年四月初七日

賠款一事養電所擬辦法因海綫斷得覆少遲各使催急卽照前議繕發減數屢晤各使竭力商酌均不肯允美使所稱三萬一十萬據云屢商各國不允似美廷借此討好並無實在把握頃聞各



使會議已有照會適德穆使過晤與談減數彼云美兵少且早撤故允減別國斷不能比必以四萬五千萬爲定數若遲則兵費須加我們可先密商儻貴國允定賠款四萬五千萬加息四釐但有諭旨爲憑德國必撤兵各國亦必隨撤嗣後如何分年酌還本息可徐商辦法如無現銀改給股票德可允從他國現尙未議及此然英美已默許現議撤兵節令正好若交炎暑便不能撤須遲至九十月以後又須多添兵費爲中國計實不合算問將此議照覆德兵先撤不至失信否穆謂我可擔保鴻等昨晤瓦帥亦盼賠款速定可速撤兵穆去而領銜葛使照會已至據照稱所擬按月攤還總數僅足賠款之本並未算及利息應請再行酌核將中國國家於此事如何主見從速示覆等語雖虛渾其詞與穆使面稱各節相符今 兩宮急盼撤兵方議 回鑾若不速定見瓦帥暨

電稿二十七

土

德兵不肯先撤各國必更觀望遲一日則多費百萬至秋後須多賠一百餘兆德使既輸誠於我不宜過與磋磨致誤機會乞速代奏覈准施行動鴻

浙撫余來電

光緒二十七年四月初七日到

江電敬悉早日 回鑾大局萬幸浙省無論如何支絀當飭司遵諭分期籌解以顧要差

盛宗丞來電

光緒二十七年四月初七日到

張京堂周方伯開平股價昨忽漲至三百五十兩聞洋人均要收完爲止

寄粵督陶方帥

光緒二十七年四月初七日

頃德穆使面稱河源縣有匿名揭帖仇害洋人恐滋事端希嚴飭查禁見覆和議將成勿因此又生枝節慶李



東撫袁來電

光緒二十七年四月初七日到

江電敬悉查東省司庫萬分支絀現無儲款已電飭東海關李道先湊三萬三千解滬匯京仍當竭力籌措按期匯解至能否足數姑難預定然至少必解七八成謹先電覆

寄江督劉蘇撫聶

光緒二十七年四月初七日

承借

十萬電滬按期匯京公誼私情兩皆感佩

寄浙撫余晉帥

光緒二十七年四月初七日

慨借

十萬金公誼私情感謝無既

贛撫李來電

光緒二十七年四月初八日到

江電敬悉事關

回鑾大典江西財力雖竭亦應勉籌已飭

司遵諭按期措解

寄贛撫李勉帥

光緒二十七年四月初八日

電稿三十七

十一

魚電

承允感甚賠款議有眉目各國撤兵即請回鑾望分批解

交盛宗丞速匯

寄西安

行在軍機處

光緒二十七年四月初八日辰刻

頃接羅使陽電瀾侯以賠款一節英勸各國收受中國債票不折不扣如西歷四月初一日各使所交續單百零七人能早覆較易為力云所云續單即指外省應辦罪各員也請代奏劄鴻

寄倫敦羅使

光緒二十七年四月初八日

賠款英勸各國收債票不折不扣甚感惟賠款數鉅中國財力短

細只可先出債票三分之一俟稍能周轉再補足希託瀾侯轉勸

各國並飭薩使遵辦續單請辦各員飭各省查覆已及大半其道

路太遠者覆到需時斷無不起緊辦理慶李

滬行各商來電

光緒二十七年四月初八日到



浙江榮方伯奉 旨遣成雖出各公使開單要請惟榮方伯並無仇視外人之實迹業經上海領事將商等公呈轉送英公使求從輕改擬俾得保全除由商等逕電英公使外伏求迅與酌商轉圜之法不勝冒瀆切望之至候電覆匯豐銀行買辦席貴德華銀行買辦許莖魯麟洋行買辦虞和德義記洋行買辦鄭守堂禪臣洋行買辦何材森元絲棧謝慶麟恆成公絲棧黃殿梅多順祥票號陳作霖等叩稟

晉撫岑來電

光緒二十七年四月初八日到

魚奉江電安懷珍所言賠款數目既未經各使與鈞右商明自應會查酌定頃據江漢關道胞弟春莫電稱駐漢法領商及願將全晉法案在漢與莫弟估結不再細勘共索五兆莫弟因事體重大不敢承允電請酌示前來煇查晉案繁難州

電稿二十七

主

縣得力者尤少萬難如順直州縣能以各結各案若派員逐細會查三閱月恐尙難竣事且追繳教民失物等事既經教民告發卽不能不傳案往往因敝衣破缶籤拘良善敲扑責賠無論煩碎尤恐民教猜嫌愈激愈甚而此開教士又刁難百出今日索書院明日索水利甚至有索 文廟爲教堂者由於此開教士身經拳亂歷受困苦今日局面一翻遂欲藉故刁難爲洩憤計耳若能如法領所言估一總數議結則可省種種軫軻查太大等十九府州安懷珍已有七兆之言口外七廳尙不在內全晉之案法領僅索五兆似尙不爲太奢惟晉案此時尙未查清賠款需若干實無把握擬懇俯將晉案比較直案酌定總數迅速電示當卽轉飭莫弟與法領開議極力磨滅並定分年攤還期限儻能就漢議結藉可少



紆蓋慮恭候飭遵據報到者則上年約共焚華洋式法教堂  
五千十所約共戕法教士男女十餘名口尙未查齊教民命  
產無確數併聞

晉撫岑來電

光緒二十七年四月初八日到

安懷珍索晉祠一事東電曾略陳計邀鈞鑒茲安懷珍又來  
面索再三辯駁彼云晉不允當由京商辦查晉祠爲太原極  
大之水利關係利害極大萬難如請而與儻義使果索乞切  
拒之晉民受賜無旣冬電承詢文絳蒲三縣有無陵虐教民  
情事恐或不免惟不甚重耳平陽府似應由鈞右詢明後再  
考較妥停考州縣原單並懇咨示

寄晉撫岑雲帥

光緒二十七年四月初八日

虔電悉義使如索晉祠當堅持不允平陽縣究竟是何縣之詛容

電稿二十七

十五

卽函詢各省停試地方卽日具奏請旨無須另咨慶李

寄西安

行在軍機處

光緒二十七年四月初九日

新授河南布政使陳夔龍現隨臣等辦理議款擬暫留京數月藉  
資臂助俟議款稍定再行飭赴新任祈代奏動鴻

寄晉撫岑雲帥

光緒二十七年四月初九日

庚電悉北京主教樊國樑稱領事無權結教案漢晉相距甚遠更  
無遙估之理斷不可行慶李

粵督陶來電

光緒二十七年四月初九日到

陽電謹悉河源揭帖事先接汕頭施領事電卽經飭據惠州  
府覆稱此事初一晚接教士函當卽飛札縣營查明拘辦示  
禁並委員馳往會查又准陸提電已派勇會縣彈壓查拏保  
護



盛宗丞轉鄂督張來電

光緒二十七年四月初九日到

英參贊傑爾遜奉其薩使命自京來見兩次傑商賠款事問鄂省意見答以中國力竭須減數減息寬期傑云英深知中國情形不願竭盡中國財力商辯語甚多昨日接薩使覆電云按原數四百五十兆四釐息不能減亦不索現銀改爲三十年攤還每年應攤還二千六百萬兩洞查西人計算本息表內數目相符懇其照薩使前說減息爲三釐三毫或三釐半傑云英輕息可借他國不能借英當勸各國或能略減然不能定又商加稅事傑述薩使云除洋藥不加外可加至值百抽十按貨本運費鎊價核實合成銀數並云有數種物向無稅今可納稅蓋指洋人自用物而言但須進口洋貨出口土貨釐金全免問鄂省意以爲可行否答以鄂省一人私見

電稿三十七

五

以爲可行蓋約計洋關稅加至抽十歲可增一千六百萬兩以外進口洋釐出口土釐約計六七百萬兩兩釐均免關稅收旺必可歲增一千萬至出口土貨免釐乃富民勸工之本原與外國通商之要義各國出口土貨大率無稅在我本當舉行今藉以增加關稅更爲有益傑又問抵款事歷舉鹽漕常稅等項答以加稅約抵一千萬鹽課釐約一千一百萬如息略減所差不多當另籌惟鹽務只可作抵斷不能交外國人代辦此乃干預我財政傑述薩使云不必交外人代辦英不願干預中國財政言之再三語甚明確傑又云加稅事牽涉釐金且關涉通商行船新章猝難議定此時不能以此作抵答以只須查明確係進口洋貨出口土貨卽免抽釐一言可決有何難議傑又云常稅可交海關代辦否答以常稅亦



只可作抵不能交海關代收蓋各關常稅船鈔子口分卡甚多皆在內地遠者或行數十里外若稅司代收多與民人交涉局卡紛繁卽是干預我內政湖北三洋關皆無常稅此乃爲大局計傑力辯乃爲我謀生財非干預洞仍堅持敝處問各節已告全權否傑云渠出京時未告全權此時不知已託傑將各節電覆薩使並懇減息傑今日東下見江督竊謂總數四百五十兆一節恐難商減然較前說九百兆之數已省一百二十兆利息一節若能減息半釐歲可省二百餘萬薩使既略有活動語氣只可姑與一商並託美國調停洋關抽十免釐一節管見以爲此是善政彼此有益但不知各省意見如何加稅作抵一節如能再與切商照允庶免羅掘無術鹽務作抵一節旣言明由我自辦似可作抵至常稅交海關

電稿三十七

去

代收一節萬不可行惟必當認真整頓此因薩使來詢故就管見答之應請樞廷與全權裁奪籌商請代奏云

周藩司等致盛宗丞

光緒二十七年四月初九日

頃查明鐵路賠款在內

寄西安 行在軍機處 光緒二十七年四月初十日辰刻

賠款減息一節或云可減爲三釐半穆使謂各國借債總在四釐上下日本已六釐是四釐斷不肯少英薩使美柔使亦持此論且謂不折不扣已算便宜難再磋磨幸勿爲浮言所惑致誤事機請代奏動鴻

寄西安 行在軍機處 光緒二十七年四月初十日

頃據德使函稱前日晤談後歸卽電達本國政府奉覆電已准令瓦帥撤兵回國如果西安覆電允認賠款四釐行息卽日便可將



撤兵事妥辦候覆等語加息一節宜速允以免事機中變英美德使均言四釐斷不能減鄂電英有活動口氣不可信若游移不允至秋後撤兵須多賠一百餘兆而回鑾更難定期關繫甚重至加稅作抵一層現在萬辦不到俟第十一款通商行船各約商議更改時再行議辦議抵亦未爲晚務請立賜宸斷核准請代奏電覆動鴻

寄西安 行在軍機處 光緒二十七年四月初十日

頃英薩使來函前浙江按察使榮銓詳加查訪尙有可原願將其永不釋回四字刪除等語請查照慶李

盛宗丞轉西安來電 光緒二十七年四月初十日

頃接鄂督馮電言與英參贊傑彌遜晤商各節已另由盛宗丞轉京諒已達覽所商減息英允勸各國略減及洋關抽十

電稿二十七

七

核實鑄價並向無稅之洋食物可納稅但須免釐一免一加可歲增鉅款英既有活動口氣自應趁此切商鹽務由我自行整頓既稱英不願干預中國財政不交外人代辦自可作抵常稅不便交海關代收所有各節應請尊處與各使切實商論如將加稅作抵一層再行商允更好更請婉商寬展一二十年則財力可少紓現在限期已迫務望從長規畫迅速商定電覆爲盼樞庚云

豫撫松來電 光緒二十七年四月初十日

法人得蘆鹽擬運豫銷售前經據理駁阻茲又接羅領事來文以所據坵鹽奉令招商變價理應到處銷售直隸全省照辦河南何得兩歧且訂明此項鹽價將來卽由中國應賠法國兵費內照減應請照上次照會轉飭曉諭保護等語查此



案是否議明未准貴大臣咨豫而鹽商晉益恆已領有法旗告示若聽其售賣與前准來咨不符且運出之鹽並無定數亦難稽考究應如何辦理即請核示並請就近照會法領事以維大局謹電達望速覆

寄豫撫松鶴帥

光緒二十七年四月初十日申刻

佳電悉查鹽價在應賠兵費照減雖已議明然在中國境內須仍照前咨領有水程驗單方准銷賣庶有稽考現晉益恆已遵請補領直隸全省並無任聽到處灑賣之事應俟該商將水程驗單到豫呈驗查與鹽數相符再准銷售除照會法使轉飭領事外尊處亦可據電轉覆領事並飭商知照

盛宗丞來電

光緒二十七年四月初十日到

海關正稅本來抽五連半稅二五共抽七五去年所議洋貨

電稿二十七

太

稅釐併徵係擬加倍共抽十五傑彌遜所議抽十如半稅在內僅加二五土貨不加稅所見極大但照稅則絲已抽足五次茶已抽十何止抽五

寄閩督許筠帥

光緒二十七年四月初十日

佳電悉古浪嶼公租界飭延道接署廈道與美領事妥商甚善容知照美使至英美兩領事辦事和衷得將教案速結儘可由尊處查照寶星章程自行奏請賞給咨由總署辦給執照又據日本使函稱日本商民請照往內地買貨福州領事照約發給執照地方官不肯蓋印謂游歷照帶通商會奉總署札飭不准顯違第六款條約等語游歷原款本有通商字樣未便拒蓋印或因買貨須令另請報單或因係臺灣人欲加限制似可與日本領事商酌辦理希轉行慶李



盛宗丞轉鄂督張來電 光緒二十七年四月初十日到

全權大臣遇辰電奏想達加稅一節英參贊傑彌遜云進口洋貨加足抽十出口土貨加足抽五當年定稅則時土貨價賤今物價貴所抽實不及百分之五可按時價加爲抽五等語查洋貨稅六百餘萬加洋人自用物稅約百萬共七百萬洋貨實止抽三若按鎊價折銀抽十是加七成可歲增一千四百七十萬兩土貨稅約九百萬按今日物價實止抽四或僅抽三若加足抽五是加二成有奇可歲增二百三十餘萬兩兩項所加併計可增一千七百萬兩除抵免進口出口釐金六七百萬外實可歲增一千萬前電只係統計未將洋貨抽十土貨抽五分析言之茲再照傑參贊言語詳陳以備據此核議查土貨稅輕乃於中國最有益之事請代奏云

電稿二十七

九

盛宗丞轉西安來電 光緒二十七年四月十一日到

奉 旨陽電悉償款四萬五千萬各國既不允減尙可照准惟前奏聞索息一倍計合三釐三毫零仍照此商減爲要中國財力已竭各國皆所深知並請展寬年限方能勉籌著卽迅速商定以便早日撤兵欽此

盛宗丞轉西安來電 光緒二十七年四月十一日到

償款正數已奉 旨允准惟息銀仍請照前電本利併計九萬萬合息三釐三毫商辦爲要且英參贊與鄂督言英薩使有略可減息之語俄領事有不須四釐之言似尙不難就範卽按此數若三十年攤還每年需銀三千萬實屬財力不及惟有每年勉籌二十萬展寬年限至本利還清之年爲止較爲妥善德國旣允償款定議卽可撤兵今正數照允能將減



息寬期緩商先請撤兵爲妙再德俄兩國皆稱償款係併商民教賠款在內將來債約自應註明諸賴大力勉爲其難設法磋商早日定局爲禱再此次直境洋兵各處勒索銀錢爲數甚鉅德兵官曾有可歸入償款計算之言可否於定議時將此層聲明將來查明作抵亦可少紓財力並祈留意酌辦

樞蒸云

寄西安 行在軍機處

光緒二十七年四月十一日申刻

奉蒸電 旨謹悉查按三十年以賠款四萬五千萬週息四釐核算計共息銀五萬四千萬各使前擬按一倍加息四萬五千萬較省銀九千萬故合三釐三毫有零之數然此係呆板算法若於付款之法及年期設法挪展雖認息四釐將來所付息銀至清款時轉可少於四萬五千萬之數則本息總計尙可不至九萬萬英薩

電稿三十七

千

使曾告徐壽朋言每年付銀二千六百萬三十年本息可以清款總計共銀七萬八千萬較原擬九萬萬已少一萬二千萬總之遞年付本便可遞年減利付息之多寡視所付之本爲衡宜核算總數大處落墨僅於毫末閒爭之無益也今午派徐壽朋往見德穆使遵 旨與商減息穆稱按現在各國借債四釐已減讓到家萬難再減告以英參贊傑彌遜在湖北對張之洞稱三釐半可商辦英既可商德亦可減少穆稱未聞薩使談及此言不可信又稱瓦帥已奉本國政府訓條料理撤兵專候中國認利準信以定行止伊亦奉到訓條四釐息一毫不能減如願商議則撤兵之期必改遲交盛暑卽不能撤又與商及付款年期辦法穆謂此可從容商議刻下撤兵之事最關緊要一言可決在四釐允與不允而已專候 諭旨無煩多言等語查德提督瓦德西爲聯軍統帥德兵在



直隸最多各國兵皆視德軍爲進退德兵不撤各國兵皆觀望再遲數月非但兵費須增難免不生枝節英美德均稱息非四釐不可傑彌遜所言似係隨口敷衍輕信必致誤事撤兵一節爲兩宮回鑾遲早所繫亦爲國家安危大局所關且於畿輔數百萬生靈苦樂大有關繫以洋兵在境於官軍勦匪農民耕種均有妨礙仰祈 聖明宸斷俯准所請大局幸甚請代奏電復劄鴻

寄西安

行在軍機處

光緒二十七年四月十一日

償款事本日電奏已詳旋奉蒸電三釐三毫之說似誤會前電傑彌遜並非因此事赴鄂商辦因鄂督言姑妄應之斷不可信俄領事不須四釐之說更屬渺茫俄使並未提及尊處既擬每年勉籌二十萬俟將來續議辦法時卽以此爲宗旨與之磋商決不肯再增展寬年限似尙可商不定息釐彼斷不撤兵疊電聲明可無庸贅各國償款係兵費商教並賠在內將來債票口應註明至直境洋兵各處勒索各國皆有而德最多德兵官諱莫如深更無歸入償款計算之語若於定議時聲明作抵逢彼之怒彼必不認若輩又貪又愛體面殊可笑也慶李

盛宗丞轉西安來電

光緒二十七年四月十一日到

奉 旨卦電悉各國償款四百五十兆四釐息應准照辦欽

此

盛宗丞轉西安來電

光緒二十七年四月十一日到

奉 旨佳電悉陳夔龍著准其暫行留京俟議款定局張仁

黼到後再赴新任欽此

龐道鴻書來電

光緒二十七年四月十一日到

何鎮奉札移防亟當遵辦但該軍除范教士指留保護郡城



公所外餘悉分防大屬並清河三哨各處現辦教案匪徒不免句煽教士已首相告不可無兵豫防且清豐邯鄲各匪甫經弋獲伏莽尚多清河團眾又滋事威縣等處亦多謠言大名練軍前已分布他處何營急切實難移動可否准其暫留俟鄭鎮到後事權有屬再商請示伏求電諭

寄西安

行在軍機處

光緒二十七年四月十二日

頃義薩使函稱聞黃桂盞派充衡州府此人向惡洋人且聞去歲有奏攻各使館一摺緣此甚懼衡州所駐義國人大受其害中義欲仍修舊好必須將黃桂盞補衡州府 成命收回等語請由尊處酌辦慶李

盛宗丞轉西安來電

光緒二十七年四月十二日到

償款四釐息已照來電有

旨允准矣頃鄂督電稱傑彌遜

電稿三十七

五

述薩使言宜各國免寫債票不可令各國公保恐干中國財政卽按四百五十兆四釐息分年攤還英國有算定攤還本息表卅年攤還每年合銀二千六百萬零四十年五十年合銀若干均載明可向滬購覓查閱不可誤認重息爲輕息拘泥四釐息錯算設外人將錯就錯則所增甚巨等語特此電聞至如何指抵如何分年總祈就中國財力細核妥籌俾還款時不至萬分爲難又滬俄領事言俄東三省公司暗虧之款尚須於另約索賠此說果確自應妥商併議在內免公約定局又生枝節是爲至要樞真云

江督劉來電

光緒二十七年四月十三日到

文電悉傑對鄂言利三十年攤還四釐息每年還二千六百萬零共還七百八十兆零係憑薩使所電之數傑來做處更



有薩使照會敘明第六等條應行議辦之端現派傑參贊代本國國家暨本大臣前往江甯面商該員與本大臣時相商電所屬代商各件請推誠論說如有擬辦之端亦祈明告寄京等因是傑來確有商辦之據所言還數與鄂電同再三詢商謂確實無錯且將其還七百八十兆零總數筆之於書自應將傑言之數質於薩使已先後電達乞核辦

寄江督劉峴帥

光緒二十七年四月十三日到

錫電悉參贊無權議事係按常例言之英使既給文代商自當別論賠款四釐息已定其每年二千六百萬三十年清款之說薩使亦經言及如尊處能協籌設措必可早定年期辦法也慶李

湘撫俞來電

光緒二十七年四月十三日到

江電敬悉直境 皇差在卽需款自殷湘庫本屬出入不敷

電稿三十七

三

今年加以教堂賠款爲數甚鉅竭力湊付羅掘已窮第重以鈞命無論如何爲難必應設法籌維茲擬於助餉新捐勉措銀五萬兩已飭司局嚴催各屬批解俟有成數推於五月內匯滬轉解應用不誤並求電覆

盛宗丞轉江督劉來電

光緒二十七年四月十三日到

鄂滬濟各電悉傑參贊至甯昨今兩日議論賠款當詢以現在實需若干據云每年還二千六百萬零分三十年還訖連本利共還七百八十兆零係照四釐息算告以中國財力僅有此數爲各國深知若賠款過鉅辦事無資地方難以整理商務何能興旺中英均屬受虧與之一再商酌或再減利息或不不論本利卽就現索之每年二千六百萬零再減若干仍照三十年還訖俾免竭中國財力傑允電薩使酌覆與商加



稅傑云將來按鎊估價值百抽十事屬可行但不能此時卽作抵項且加稅必須免抽出口土貨之釐告以洋商在內地辦土貨本祇完半稅卽使議免亦祇能將洋商請單赴內地所辦實在運出外洋之貨方能商免如就口岸向華商購辦之件無釐可免卽不在應免之列傑亦謂然又言及抵款意在由稅司代辦常關雖經告以窒礙察其語意頗堅仍俟得薩覆再電傑尙有二三日句留云

晉撫岑來電

光緒二十七年四月十三日到

頃據歸綏道恩道稟稱訪聞有人在口外西路假冒董營差官招勇欲與洋人爲難情事當飭拏旋據守備武萬年在薩包一帶拏獲假冒董營差官之李敦孟一名起出僞印僞札僞示並信函等件並拏獲上年拏匪頭目現同李敦孟結夥之秦長汰一名均訊據供認不諱稟請梟示前來查現在和議將成月前忽有德兵西來諄諄詢董福祥行止雖由津報播弄未始不由此等匪徒謠傳除飭卽行正法梟示外請便中告知各使及瓦帥務釋猜疑爲要

寄西安

行在軍機處

光緒二十七年四月十三日

停試五年一節英薩使持之甚堅與商分別城鎮不允與商一府祇停首縣生童應試府城仍開考亦不允不得已祇商京城會試及順天山西鄉試仍不允周馥向法美俄各使談及語氣尙鬆爰擬具節略分致並再給領銜照會日久不覆昨薩使語徐壽朋停試與懲辦禍首載在和議綱網第二第十兩款前於照會內言明非第二第十兩款辦完不能撤兵徐答以鄉會試所考確係各省各府不滋事地方之人與第二款原意不悖薩稱前已說過北京



太原爲戕害陵虐諸國人民最甚之處如此二處仍可開考別處更可不論且款內載明不得舉行考試北京會試鄉試何得仍欲舉行此節可不必議又催問第二單內請辦各員告以單開各員各省皆有查覆需時薩稱查辦單不能卽辦懲辦單內尙有若干未辦告以懲辦單亦有漏開姓名且是否情節相符亦須查薩稱情節均已訪確無須覆查漏開姓名者自應查註其餘亦尙有若干未奉 諭旨已奉 旨者與原請罪名不符前請重降 諭旨何以未見照辦告以已咨軍機處請 旨現在賠款息銀均照所請似可先行撤兵此等事不問撤兵與否可隨時商辦薩稱上兩項旣早有文知照非辦結斷不能撤無論何國兵撤去英必不撤又問此二事數日內能辦結否告以不能停試事尙有末後照會未准領銜回覆卽得覆後具奏摺到西安亦須十餘日此事欲

電稿二十七

三五

速不能薩云可惜告以請辦各員單內所餘無幾停試一節應停各處非議定不能開考務望於領銜知照中國認息後卽電請政府撤兵不必拘泥薩稱伊係拘泥出名者似此情形若非將第二第十兩款辦完薩使決不肯允撤兵薩性情執拗頗難與商前爲劉撫等事語氣已稍活動旋又於回文內改變與所請斬候改發各員均請重降 諭旨業經由驛咨請尊處酌辦並將第二單未辦各員迅速請 旨其停試一節如實不能爭擬卽具奏鄉會等試或可借闡舉行似不值以此牽礙撤兵要務也慶李

盛宗丞轉西安來電

光緒二十七年四月十三日到

庚電已進呈羅使述英瀾候語能早辦外省教案各員於賠款較易爲力查前已奉 旨懲辦五十八員此外因單開各員姓名官職情節待查甚多除永德已故李兆珍摘除清苑



令重復河南滑縣呂耀卿安陽縣石庚商允免議及延祉胡景桂均允再查又四川建昌道府王季寅王之同李念茲商允量減擬改革留外餘經前後電商尊處擬分別照擬及改輕各員如四川敘州府非文奎係文煥擬撤調李常需盧鼎智擬革職黃樹勳王瑚周慶壬王殿甲雙流縣係龔寶琅均擬革職趙綬之陳鼎勳陳兆棠南部縣係袁用斌均擬開缺離省大同鎮楊鴻禮擬改革留江西總兵何明亮吉南道係涂椿年許道培任玉森臨江屬清江縣石守謙上高縣文聚奎均無實據均擬分別改輕免議山西臨縣孔繁昌並無戕害教士教民之案及焚堂之案許涵度並未到太原府任無從助虐取有教士字據應免議河南南陽縣知縣非張令係袁福齡業因教案參革通省教案均已妥結教士亦代聲訴

電稿二十七

三

所有曾培祺傅鳳颺河內榮澤兩縣西華林令涉縣車令武安縣陳世偉周家口汪通判均擬免議以上未准商明電覆再待查單內未經擬處各員自行分別擬辦一一注定處分能否照擬定案亦尚未奉覆是以無從擬辦希即妥商速覆以便請旨辦理又馬武官查係毓賢差弁馬得勝已逃匿無蹤應行查拏鄭蓮生查係鄭鏗鄭甬禧查係鄭永禧羅老四查係羅道樊焉縉查係鄆縉楊把總查係楊緒林赫哨官查係郝殿魁許大田查係徐大田劉姓武官查係劉輔軍惟蒙古十一名據晉撫查均無其人業交綏遠將軍信恪再查塔拉特王一併交其查辦一時恐未能查覆只可緩辦庶免全案延擱並與各使言明統祈示覆又已降諭旨五十八人內陽曲縣白刃據晉撫查覆上年省城拳匪厲集時曾稟



請毓賢禁止迨焚燒教堂時復請毓賢派兵彈壓當被呵斥  
撤任因後任不肯接篆暫未交卸實非毓賢心腹爪牙特當  
時任首縣耳等語查核白袒情節擬以正法實屬冤抑可否  
切實商明定以假死罪以免含冤俟電覆再行請 旨更正  
希酌辦樞真云

盛宗丞轉華盛頓伍使來電 光緒二十七年四月十三日到

伍使真電美屢勸各國減款仍未允頃再電柔使切勸儻終  
不允或交萬國會公斷可減即照行否則罷論美不忍中國  
太窘如他國能照辦美願減半至免釐加稅至十之議美亦  
可允此機密請勿洩乞密轉樞府慶邸傅相峴香帥廷真云  
江督劉來電 光緒二十七年四月十四日到

傑所云還數薩亦既言及當可無誤息釐昨復遣商傑並與

電稿三十七

三七

反覆考究據云英美自向本國籌借英息約二釐三美息約  
二釐半均可借恐他國無此輕息現擬將四釐稍減或尚可  
商俟得京電再告今既已定議似難再商擬籌之款彼以虛  
數不允作抵原有之項僅止此數即傑亦深知之是祇能就  
原有察酌作抵另籌彌補惟抵項以不使人代辦為安全賴  
尊處維持

江督劉轉柏林呂使來電 光緒二十七年四月十四日到

冬電覽否聞德皇電調甲艦回國並飭撤師減兵云已與穆

使議妥否念甚請轉樞譯慶李張海佳云

寄華盛頓伍使 光緒二十七年四月十四日

美勸各國減款久無成柔使亦無術勸各使荷蘭萬國會殘局相  
距遠更難臆斷各國亦不允從加稅現難開議前何東出洋游歷



因直餉艱窘札派就便勸捐漏未咨行聞金山領署隨員陳恩梓捏詞誣讟妄登報紙實屬荒謬務將陳恩梓斥逐轉諭何東認真勸辦何為香港巨紳血誠向正弟等不應阻撓

寄西安

行在軍機處戶部

光緒二十七年四月十四日

津沽洋兵未撤鐵路暫難交還滬存漕米江浙委員無法運京若再遲回年前恐無現米昨託赫德代覓洋商包運由滬收徑運到倉交每石需銀六錢之譜輪船火車及盤運雜費均在內封河前運完核與向年辦運費較省江浙有專款不須另籌照此試辦因時制宜有利無弊尊處裁奪電覆以便定議慶李戶

寄西安

行在軍機處

光緒二十七年四月十五日

奉真電

旨卽照會德穆使頃據照覆

大皇帝降旨允償聯軍

兵費等銀四百五十兆加利四釐聯軍總司令部瓦帥卽撤僅留一

電稿二十七

定

枝約數千人等語穆使曾言保定京城兵先撤其數千人自係暫留天津債票辦法可商抵款年期尚待酌議請代奏動鴻

寄柏林呂使

光緒二十七年四月十五日

冬電悉賠款認息四釐已奉

旨頃德穆使照稱聯軍總司令部將

行裁撤德軍擬僅留一枝約數千人等語債票辦法可商抵款年期再議保定以南土匪不日均可戡定慶李

寄西安

行在軍機處

光緒二十七年四月十六日午刻

前覆羅使頃接羅咸電遵致瀾云續單已及大半餘亦趕辦祈卽告各使賠款辦法亦祈與各使商酌云仍覆令商瀾撤兵慶李

覆倫敦羅使

光緒二十七年四月十六日午刻

賠款已允定四釐息現商分年辦法德廷已允撤兵英不應獨後薩故刁難望切致瀾侯慶李



盛宗丞轉柏林呂使來電

光緒二十七年四月十六日到

頃晤外部據稱償款並息已奉旨認付全權請早撤兵茲奉德君特諭撤帥並將德兵調回僅留四分之一如和約及早全行議妥亦撤儻別生枝節撤兵恐須另議至專使來德道歉現可舉行屆時當以優禮接待柏林駐使赴宮禮節及往來電報一律照舊嗣後可友睦如初云轉樞譯請代奏海寰印云除轉行在外

盛宗丞轉巴黎裕使來電

光緒二十七年四月十六日到

遵青電探問據稱法款數目繁雜係由京外各處分報發交畢使在北京核定彙送其確數畢尙未具報現鮑使已到京全權問之可由北當得其詳云乞察核庚元云

寄西安

行在軍機處

光緒二十七年四月十六日

電稿二十七

三

醇親王赴德一事正月咸電已詳陳昨德穆使因賠款息銀議定欲催早去頃接呂使覃電德君以專使現可舉行屆時當優禮接待應請降旨特派醇親王爲頭等出使大臣並令前閣讀學張翼副都統蔭昌隨往贊助一切臣等猶慮該員等情形未熟與瓦帥商酌添派德員隨行德君性急醇去恐難遲緩可否令其不必遠行行在請訓致需時日國書禮物卽代豫備瓦來辭行定明早起程先赴日本其兵隊約兩禮拜後可陸續撤回并附聞請代奏動鴻

寄天津張京堂

光緒二十七年四月十六日

德國現在撤兵德君催醇邸起程速往望卽日來京代爲料理遲恐誤事

盛宗丞轉西安來電

光緒二十七年四月十六日到



元電已進呈薩使刁難不撤兵有無別故他國不致效尤否  
廷會試全停與條約城鎮之言不符能託美柔使居閒轉圜  
否劉撫等事已商減輕者何又改變來咨未到昨電商擬續  
議各員計已到能否照辦望擇要電覆償款照允四釐息卅  
年攤還本隨息減共合七百八十兆兩每年攤二千六百萬  
計鹽漕常稅土稅釐等項亦數指抵若多攤年分雖每年較  
少而總計更多諸祈妥酌商定尤望趁此妥商民教專約總  
期持平相安以防後患爲要樞咸云

華盛頓伍使來電

光緒二十七年四月十六日到

寒電悉陳隨員前經領事稟已嚴飭復再斥逐至何東因病  
未舉辦前月來署晤敘旋往英國始終未阻敬候其回美再  
轉諭

晉撫岑來電

電稿三十七  
光緒二十七年四月十六日到

頃據李提摩太電稱耶穌四會人在京商事案章程呈請鈞  
右核定一切懇乞主持飭令安定俾有遵循而免窒礙感禱  
覆晉撫岑雲帥

光緒二十七年四月十六日午刻

李提摩太同耶穌會教士來見呈所議章程能見其大惟願晉籌  
巨款分年存公備設學堂恐難應手已令到晉商辦李仍回滬

寄東撫袁慰帥

光緒二十七年四月十六日

德瓦帥明早起程兵將陸續撤回各國兵亦必漸撤務催姜軍兼  
程來京勿誤事機慶李

盛宗丞轉日本李使來電

光緒二十七年四月十七日到

伊藤退後日相由西園寺公望代理現定前陸軍大臣桂太  
郎入相有調小村回任外部之說尙未定云



寄西安 行在軍機處 光緒二十七年四月十七日

初四日爲各使照會請重降 諭旨所發咨文計已得達茲再聲明各使來文汾州府知府徐繼孺忻州知州徐桂芬和林格爾通判毛世黻托克托城通判樊恩慶甯遠州司獄李鳴和署歸化城同知郭之樞前武邑縣知縣張秉喆盛京副都統晉昌巴彥蘇蘇統領鄂英衡州道隆文金衢嚴道鮑祖齡共十一員應照原擬斬監候如貸其一死極輕當發往極邊永不釋回請重降 諭旨等語今早因議賠款晤英薩使據稱伊國家於此事甚爲著意請速查照原文酌辦劉樹堂事與薩再四商論可免查抄仍須交地方官管束榮銓前已允刪除永不釋回四字至張秉喆於馨清苑任內已革職永不敘用武邑滋事並不在任仍應扣除薩謂只要停考及懲辦外省禍首二事辦結卽行撤兵並無他故停考昨已由

電編二十七

三

驛奏結廷會試已允不停奏到請卽降 旨懲辦事可否俟咨到酌請降 旨一面由電示知以便催其撤兵請代奏動鴻

寄西安 行在軍機處 光緒二十七年四月十七日

咸電悉英薩使所擬每年付銀二千六百萬兩三十年賠款本利全清雖總計付息較少但財力實難周轉查俄法英德各債須光緒六十九年始能還清若添新債過多無法騰挪今早與專辦賠款之德英法日本四使會議告以每年一千五百萬分五十年前三十年付本後二十年還利各使謂欠利太久斷不能行旋以四十年清款每年付銀二千零四十餘萬辦法與商取表一紙示之照表分年攤算前十年雖付利較少後三十年本少利減而所付銀數仍同以後補前各國亦不喫虧各使謂前十年少付之利應再行加利告以利上加利斷不可行各使言伊等有一辦法四十



五年清款明早送一表來許以送到再酌賠款但不欠息彼即無辭惟前數年若祇付息則本銀絲毫不減而利銀已付數千萬兩大不合算總期付息抽本年分略寬財力得紓而總計息銀數目仍不過鉅容與竭力磋磨爭得一分是一分隨時電商辦理慶李

粵督陶學撫德來電

光緒二十七年四月十七日到

江電敬悉 蹕路要需總當勉圖報命已飭司遵照分四六八三次籌足十萬兩匯京以供要用

晉撫岑來電

光緒二十七年四月十七日到

頃據沈道稟稱奉飭屢與安懷珍劉博第等磋磨賠款該教士等始則稱賠款在十兆八兆之譜及與議會查後定數又云大教堂已稟請其國公使與鈞右酌定彼亦無覆查之權又索賠教命一主教賠六萬一教士賠三萬教民尙未定數

電稿三十七

三

以湘案並不賠命合同載在報紙順直辦法前准周藩司來電亦稱不賠教士命詰之彼執定不允凡彼意所欲者必強職道辦理否則稱不與職道往來我所欲議者彼則以已歸公使在京辦理晉官可勿過問爲詞深恐曠延日久彼又將以不辦教案責晉實難任此重咎擬懇奏請延訂律師來晉總辦教案理所不能折者折之以律並請先電鈞右請示可否等語煊查安懷珍能刁難大端已經電達誠如沈道所稟商辦爲難惟議辦教案究與別項交涉不同遽請律師恐有未便然體察安懷珍能刁難情節又實非沈道所能轉圜昨將冀弟與漢口法領議辦各情電陳鈞聽冀弟僅出至三兆五億法領意在活動即使加增度不過三兆內外較之安懷珍等所索數目相去懸殊且不須會查較之延請律師亦爲



簡便惟恐法領權輕此間教士因其不便於己故於公使前  
撓之務懇主持與法使言明卽飭該領事與江漢關道在漢  
議結晉省固受福不淺然案能早結彼亦合算也儻萬不可  
行則可否延請律師來晉抑或更換一和平之主教諸乞示  
遵並懇示知周藩司爲叩

東撫袁來電

光緒二十七年四月十七日到

諫電敬悉美軍頭起今日已自省開拔後隊陸續卽行遵催  
起程

寄西安

行在軍機處

光緒二十七年四月十八日

頃美柔使函稱本國住山西太谷縣溫醫士稟太谷縣戕害美教  
士時該縣胡德修事前進省未任所平日保護教士甚周到請  
據情入奏飭查該縣進省時何員代理如查與該醫士所稟確符

電稿三十七

三

卽免胡德修之罪嚴辦經手戕害教士之員等語查胡德修前已  
奉旨革職永不敘用祈於重降諭旨案內彙辦至真電屬商  
各員俟商妥再覆慶李

盛宗丞轉西安來電

光緒二十七年四月十八日到

頃接初四來咨及鈔寄照會均悉各使所稱徐繼孺等十一  
員罪名未先定斬候並前浙撫劉浙臬榮均固請照原擬重  
降諭旨第所敘應准應免各員又語多含混誠如大咨預  
留日後變卦地步似此情形實難著手只可從權變通辦理  
現請旨將其指出之十一員照所請虛擬斬候卽敘明貸  
其一死改發極邊云云由尊處酌擬諭旨照會各使俟其  
如何答覆再定以後各員處分仍祈妥酌辦理一面示覆除  
榮銓昨接十一電薩使已允除去永不釋回外惟劉撫能不



敘查抄方好務望將真電所商各員迅速設法商明電示以便降旨了案並停試磋商能否轉圜早日議定撤兵免日久又生枝節爲要樞洽云

晉撫岑來電

光緒二十七年四月十八日到

頃冀弟電稱法領所稱五兆之數與之極力磨減出至二兆五億彼意似活動現堅持此數非萬不得已決不再加並稱法領甚願力勸教會婉商公使查晉案甚鉅教士又有刁刁難所望甚奢極難辦理茲據冀弟與法領議有端倪款目雖鉅然已非始願所及且如此定議兩免轆轤所利實多惟恐法領權輕不能結此鉅案務懇主持與法使議明卽委該領事與冀弟妥議俟條款齋呈鈞右核定後卽飭由該領事與冀弟代簽字之權晉案早結一日晉民卽少受一日之累

電稿二十七

三

不勝迫切待命之至

寄晉撫岑雲帥

光緒二十七年四月十八日

緝電悉頃意使薩爾瓦葛來見面斥安懷珍之謬彼謂太汾等府州五兆潞澤等府州二兆之說該教士並未請示公使今但求將馬號軍械局兩處給作建堂及醫院等公地晉祠可不要前已給安懷珍撫卹銀十二萬外所有賠費可由京議定不准該教士濫索因將尊議欲令漢口法領包辦微示其意該使力稱前數年經總署已將各國教案分開各歸各辦安懷珍不妄我已電本國請教皇另派明白妥慎主教來晉若令法國代辦晉案既違舊約亦非中義兩國交好之道來示恐法領權輕懇與法使議明法意爭權我輩不便插訟宜仍在晉議結爲安慶李

寄陝撫升吉帥

光緒二十七年四月十八日酉刻



頃比國姚使照稱接電報該國許多教士在延安府小橋畔地方尙有中國官員保護竟被害死並云延安賊匪遍野現查蒙古地方甚亂是否知曉此事底裏卽希作速示知該處起禍顛末等語請卽飭查速辦電覆慶李

盛宗丞轉西安來電

光緒二十七年四月十九日到

醇親王出使德國已奉 旨特派矣至 諭旨內將命下應否用道歉二字請尊處斟酌並醇親王免來請 訓 國書禮物由京備辦均各奉 旨允准再日本杉山彬事優榮之典應如何辦理一併酌擬請 旨樞嘯云

盛宗丞轉西安來電

光緒二十七年四月十九日到

奉 旨醇親王載灃著授爲頭等專使大臣前赴大德國敬謹將命前內閣侍讀學士張翼副都統蔭昌均著隨同前往

電稿三十七

三

參贊一切欽此

盛宗丞轉西安來電

光緒二十七年四月十九日到

徐電已進呈昨奉初四來咨當卽請 旨從權由尊處先將其指出十一員照彼原請酌擬 諭旨照會俟其如何答覆再續酌辦計已達到今劉撫榮臬所擬已就範則前已降 旨之五十八員當可不至再改除已奉覆商允減輕再查外其續議各員係前單及待查單併辦惟蒙古王公十一人尙待查辦前據江西四川河南山西各省查覆更正改輕各員均隨時電達前於真電內又逐一擇要敘明改輕各員請彙查清晰其未請改者則有可革職並有可永不敘用者專候尊處核明商定電示卽請降 旨緣恐明降後設又請改更不成事至待查單內貴州思南府知府張濟輝龍泉縣知縣



繼文頃據黔撫查覆情節尙輕業經撤任可否均擬革留今  
廷會試商允不停甚善統俟奏到卽請 旨分別明降催速  
撤兵並望迅賜電覆樞云

寄西安 行在軍機處

光緒二十七年四月十九日申刻

洽電令從權變通辦理遵卽恭擬

諭旨照會各使文曰四月十

七日內閣奉

上諭前因盛京副都統晉昌巴彥蘇蘇統領鄂英

湖南衡永郴桂道隆文浙江金衢嚴道鮑祖齡山西汾州府知府  
徐繼孺忻州知州徐桂芬署歸化城同知郭之樞和林格爾通判  
毛世黻托克托城通判樊恩慶甯遠州司獄李鳴和等縱匪仇教  
致釀事端降旨將晉昌鄂英發往極邊充當苦差隆文等發往極  
邊永不釋回該員等獲咎甚重本應按律擬斬監候既經朝廷加  
恩貸其一死改發極邊已屬從輕辦理著刑部查催迅速定地發

電稿二十七

三

配毋任延宕至浙江巡撫劉樹堂前已革職永不敘用飭令回籍  
仍著交地方官管束以示懲儆欽此內除榮銓張丙喆二員業經  
商明毋庸贅敘外餘均查照原照會大意似已滿其欲儘可不必  
答覆請卽由 行在京城兩處發鈔至真電所商並業經照會未  
覆各員現今徐壽朋周馥詳細開單與各使磋商俟覆到再行詳  
細電聞以便降 旨似不待全案了結卽可撤兵停試奏到仍盼  
電示請代奏動鴻

寄西安

行在軍機處

光緒二十七年四月十九日酉刻

嘯電悉道歉二字似不必用轉落小樣巧電

旨到遵擬 國書

一通請代呈

御覽酌定候覆卽繕慶李效恭擬

國書全文如

下 大清國大皇帝敬致書於大德國大皇帝陛下朕維中國與  
貴國訂約以來信使往還輯睦無間前歲貴國親王來京朕疊次



接見情誼尤爲款洽乃上年五月義和拳匪闖入京師兵民交鬩  
貴國使臣克林德竟至被戕殞命該使臣銜命來華辦理交涉事  
件悉臻妥協朕甚嘉許不意變生倉猝遽爾捐軀朕自維薄德未  
能先事預防保護多疏疚心曷極已於該使臣死事地方敕建銘  
誌之坊用以旌善瘴惡昭示後來茲派醇親王載灃爲欽差頭等  
專使大臣親齎國書前往貴國呈遞該親王分屬近支誼同休戚  
特令竭誠將命以表朕慙悔之意又此次貴國勞師遠涉戢匪安  
民和議早成生靈無恙尤徵大皇帝顧全大局并令該親王代朕  
道達謝忱惟望大皇帝盡棄前嫌益敦夙好從此我兩國共享昇  
平之福永聯玉帛之歡惟大皇帝鑒察焉

盛宗丞轉西安來電

光緒二十七年四月二十日到

篠二電已進呈據江督電稱傑爾遜向局員告知薩使知中

電稿二十七

三七

國財力不能多還現擬連舊債併計牽算將新債歲減六七  
百萬之譜詰以如何算法答云正商算法未定尙難指明每  
年實減之數俟商定電請本國核覆再告全權等語特此電  
聞以備參酌樞效云

寄西安

行在軍機處

光緒二十七年四月二十日

翰林院檢討吳式釗前經掌院奏參交本籍監禁昨據義使爲之  
解說尙未及辦茲又據英薩使函稱吳式釗爲本國福公司聘用  
無故被羈請咨行該省釋放等語查英義福公司前請采辦晉豫  
煤鐵經總署奏准嗣汴撫奏調吳式釗前往聯絡該衙門不知原  
委輒加參革迹近誣罔可否請旨敕下雲南督撫卽日釋放以  
昭公道請代奏動鴻

寄西安

行在軍機處

光緒二十七年四月二十日



前致羅使電謂德允撤兵英豈獨後頃接羅皓電稱遵切致瀾云  
已有訓條陸續撤亦與各國相同惟全撤日期應以中國辦結各  
端遲速爲斷如續單辦罪之類等語云請代奏劄鴻

盛宗丞來電

光緒二十七年四月二十日到

招商局滙棧尙存廿五年冬漕三十餘萬包請商總稅務司  
務須儘先起運免致米色霉變廿六年冬漕已收二十餘萬  
包可排在廿五年漕米之後起運

寄晉撫岑雲帥

光緒二十七年四月二十日

效嘯電悉頃義薩使又偕其提督來見力言總署有約在先晉撫  
不應獨違晉撫果違則非晉之事是中義兩國國家之事將來口  
舌必大法使飭領事開議並未向全權言及所云法國給照或係  
從前未分辦時之照皆不可信鴻乘機與議該使如照法領所議

電稿三十七

三六

各條允行我可電晉撫暫勿與法領畫押該使尙以爲然來電稱  
太原等九府州以二兆五億攤之不過應得七八十萬此外各府  
州是否皆法國所管抑歸何人主政希分晰電覆機器局馬號均  
未便讓已告薩使但未允定耳如在京議望卽派沈道速來與薩  
使會商慶李



